

1822.00.917.85.

579

৮৫৩০
১৪৭১

স্বামী



শ্রীশরৎচন্দ্র চট্টোপাধ্যায়

কাল্পন, ১৩২৪

57

মূল্য বার আনা


0.75

RARE BOOK

প্রকাশক—গুরুদাস চট্টোপাধ্যায়

গুরুদাস চট্টোপাধ্যায় এণ্ড সন্স

২০১, বর্ণওয়ালিস্ স্ট্রীট কলিকাতা



18200917.85

Printed by RADHASYAM Das.
2, Goabagan Street, Calcutta.





নিরে মা বাপের বাড়ী
তাই গরীবের ঘর হ'লেও
বয়স পর্যন্ত তাঁর কাছে

সবতা কিছুই মানতেন
তও কোন দিন হ'তে

আত্ম

সৌদামিনী নামটা আমার বাবার দেওয়া। আমি এ
আমাকে এক বছরের বেশী ত তিনি চোখে দেখে যেতে পারনি 'Agnostic'
এমন ক'রে আমার ভিতরে বাহিরে মিলিয়ে নান রেখে গিয়েছে। আমি কি
কোরে? বীজমস্তুর মত এই একটি কথায় আমার সমস্ত ভবিষ্যৎ
জীবনের ইতিহাসটাই খেন বাবা ব্যক্ত ক'রে গেছেন!

রূপ? তা আছে মানি; কিন্তু, না গো না, এ আমার দেমাক
নয়—দেমাক নয়। বুক চিরে যে দেখান যায় না, নইলে এই যুদ্ধেই
দেখিয়ে দিতুম, রূপ নিয়ে গৌরব করবার আমার আর বাকি কিছু
নেই—একেবারে কিছু—নেই! আঠারো—উনিশ? হ্যাঁ, তাই বটে।
বয়স আমার উনিশই। বাইরের দেহটা আমার তার বেশী প্রাচীন হ'তে
পায়নি। কিন্তু এই বুদ্ধির ভিতরটায়? এখানে যে বুদ্ধি তার উনাব্বিশ
বছরের শুকনো হাড়গোড় নিয়ে বাস ক'রে আছে, তাকে ত দেখতে
পাচ্চো না? পেলে এতক্ষণ ভয়ে আঁংকে উঠতে!

একলা ঘরের মধ্যে মনে হলেও ত আজও আমার লজ্জায় মবুতে
ইচ্ছা করে; তবে এ কলঙ্কের কালী কাগজের ওপর ঢেলে দেবার আমার

ল! সমস্ত লজ্জার মাথা খেয়ে সেইটেই ত আজ
বে। নইলে আমার মুক্তি হবে কিসে?
মত আমিও ত আমার স্বামীকে বিয়ের মন্তরের ভিতর
ম। তবে, কেন তাতে আমার মন উঠল না।
আমাকে দিতে হ'ল, আমার অতি বড় শত্রুর জন্তেও
জন্তে কামনা করিনে। কিন্তু দাম আমাকে দিতে হ'ল
পুণ্য, লাভ-ক্ষতি, ছায়-অছায়ের মালিক, তিনি আমাকে
হাই দিলেন না। কড়ায় ক্রান্তিতে আদায় ক'রে সর্বস্বান্ত
খন আমাকে পথে বার কোরে দিলেন—লজ্জা-সরমের আর
কাথাও কিছু অবশিষ্ট রাখলেন না—তখনই শুধু দেখিয়ে দিলেন,
সর্বনাশী, এ তুই করেছিস্ কি? স্বামী যে তোরা আত্মা! তাঁকে
ছেড়ে তুই কি কোথায়? একদিন-না-একদিন তোরা ঐ শূন্য বৃক্কের
মধ্যে তাঁকে যে তোরা পেতেই হবে। এ জন্মে হোক, আগামী জন্মে
হোক, কোটি জন্ম পরে হোক, তাঁকে যে তোরা চাই-ই। তুই
যে তাঁরই।

জানি, যা হারিয়েছি, তার অনন্ত গুণ আজ ফিরে পেয়েছি। কিন্তু
তবু যে এ কথা কিছুতেই ভুলতে পারিনে, এটা আমার নারী-দেহ।
আজ আমার আনন্দ রাখবার জায়গা নেই, কিন্তু ব্যথা রাখবারও যে
ঠাই দেখি না প্রভু! এ দেহের প্রত্যেক অণু পরমাণু যে অহোরাত্র
কান্দচে—ওরে অস্পৃশ্য, ওরে পতিতা, আমাদের আর বেঁধে পোড়াস্নে
—আমাদের ছুটি দে, আমরা একবার ম'রে বাঁচি!

কিন্তু থাক সে কথা।

আমী

বাবা মারা গেলেন, এক বছরের মেয়ে নিয়ে মা বাপের বাড়ী চ'লে এলেন। মামার ছেলেপিলে ছিল না, তাই গরীবের ঘর হ'লেও আমার আদর যত্নের কোন ক্রটি হ'ল না। বড় বয়স পর্য্যন্ত তাঁর কাছে বসে ইমরাজী বাঙলা কত বই না আমি পড়েছিলুম।

কিন্তু মামা ছিলেন ঘোর নাস্তিক। ঠাকুর দেবতা কিছুই মানতেন না। বাড়ীতে একটা পূজা-অর্চনা, কি বার-ব্রতও কোন দিন হ'তে দেখিনি—এ সব, তিনি দুচক্ষে দেখতে পারতেন না।

নাস্তিক বই কি! মামা মুখে বলতেন বটে তিনি 'Agnostic' কিন্তু সেও ত একটা মন্ত ফাঁকি! কথাটা যিনি প্রথম আবিষ্কার ক'রেছিলেন, তিনি ত শুধু লোকের চোখে ধূলা দিবার জন্তেই নিজেকে আগাগোড়া ফাঁকির পিছনে আর একটা আকাশ পাতাল জোড়া ফাঁকি জুটে দিয়ে আত্মরক্ষা করেছিলেন! কিন্তু তখন কি ছাই এ সব বুঝেছিলুম! আসল কথা হ'চ্ছে স্থিতির চেয়ে বালির তাতেই গায়ে বেশি ফোঁস পড়ে। আমার মামারও হয়েছিল সেই দশা।

শুধু আমার মা বোধ করি যেন লুকিয়ে ব'সে কি সব করতেন। সে কিন্তু আমি ছাড়া আর কেউ জানতে পেত না। তা মা যা খুসি করুন, আমি কিন্তু মামার বিচ্ছেদ ঘোল আনার জায়গায় আঠার আনা শিখে নিয়েছিলুম।

আমার বেশ মনে পড়ে, দোরগোড়ায় সাধু-সন্ন্যাসীরা এসে দাঁড়ালে সন্ত দেখবার জন্তে ছুটে গিয়ে মামাকে ডেকে আনতুম। তিনি তাদের সঙ্গে এমনি ঠাট্টা স্বরু ক'রে দিতেন যে, বেচারারা পালাবার পথ পেত

স্বামী

না। আমি হেসে হাততালি দিয়ে গড়িয়ে লুটিয়ে পড়তুম। এমনি ক'রেই আমার দিন কাটছিল।

শুধু মা এক-একদিন ভারি গোল বাধাতেন। মুখ ভার ক'রে এসে ব'লতেন, “দাদা, সহুর ত দিন দিন বয়স হ'চ্ছে, এখন থেকে একটু থোজা-খুঁজি না করলে সময়ে বিয়ে দেবে কি ক'রে?”

মামা আশ্চর্য হয়ে ব'লতেন, “বলিস্ কি গিরি, তোর মেয়ে ত এখনো বারো পেরোয়নি—এর মধ্যেই তোর—সাহেবদের মেয়েরা ত এ বয়সে—”

মা কঁাদ কঁাদ গলায় জবাব দিতেন, “সাহেবদের কথা কেন তুলচ দাদা, আমরা ত সতি। 'র সাহেব নই! ঠাকুর-দেবতা না মানো, তাঁরা কিছু আর বাগড়া করতে আসছেন না, কিন্তু পাড়াগাঁয়ের সমাজ ত আছে? তাকে উড়িয়ে দেবে কি ক'রে?”

মামা হেসে ব'লতেন, “ভাবিসনে বোন, সে সব আমি জানি। এই যেমন তোকে হেসে উড়িয়ে দিচ্ছি, ঠিক এমনি ক'রে আমাদের নচ্ছার সমাজটাকেও হেসে উড়িয়ে দেব।”

মা মুখ ভার করে বিড়্-বিড়্ ক'রে বকতে বকতে উঠে যেতেন। মামা গ্রাহ্য করতেন না বটে, কিন্তু আমার ভারি ভয় হ'ত। কেমন ক'রে যেন বুঝতে পারতুম, মামা যাই বলুন, মার কাছ থেকে আমাকে তিনি রক্ষা ক'রতে পারবেন না।

কেন যে বিয়ের কথায় ভয় হ'তে শুরু হয়েছিল, তা বল্চি। আমাদের পশ্চিম পাড়ার বুক চিরে যে নালাটা গ্রামের সমস্ত বর্বার জল নদীতে ঢেলে দিত, তার দুই পাড়ে যে দু'ঘরের বাস ছিল, তার এক ঘর

আমরা, অল্প ঘর গ্রামের জমিদার বিপিন মজুমদার। এই মজুমদার-বংশ যেমন ধনী, তেমনি দুর্দান্ত। গাঁয়ের ভেতরে বাইরে এদের প্রতাপের সীমা ছিল না। নরেন ছিল এই বংশের একমাত্র বংশধর।

আজ এত বড় মিথ্যেটা মুখে আনতে আমার যে কি হচ্ছে, সে আমার অন্তর্যামী ছাড়া আর কে জানবে বল, কিন্তু তখন ভেবেছিলুম, এ বুঝি একটা সত্যি জিনিস,—সত্যিই বুঝি নরেনকে ভালবাসি।

কবে যে এই মোহটা প্রথম জন্মেছিল, সে আমি বলতে পারি না। কলকাতায় সে বি, এ পড়ত; কিন্তু ছুটির সময় বাড়ী এলে আমার সঙ্গে ফিলজফি আলোচনা করতে প্রায়ই আসত। তখনকার দিনে ‘Agnosticism’ই ছিল বোধ করি লেখাপড়া-জ্ঞানীদের ক্যান্ট্রাম। এই নিয়েই বেশী ভাগ তর্ক হ’ত। কতদিন মামা তাঁর গৌরব দেখাবার জন্তে নরেন বাবুর তর্কের জবাব দিতে আমাকে ডেকে পাঠাতেন। কতদিন সন্ধ্যা ছাড়িয়ে রাত্রি হয়ে যেত, দুজনের তর্কের কোন মীমাংসা হ’ত না। কিন্তু আমিই প্রায় জিত্তুম, তার কারণও আজ আর আমার অবদিত নেই।

মাঝে মাঝে সে হঠাৎ তর্কের মাঝখানে ভঙ্গ দিয়ে আমার মুখপানে চেয়ে গভীর বিষ্ময়ে ব’লে উঠত, “আচ্ছা ব্রজবাবু, এই বয়সে এত বড় লজিকের জ্ঞান, তর্ক করবার এমন একটা আশ্চর্য ক্ষমতা কি আপনি একটা ফিনোমিনন ব’লে মনে করেন না?”

আমি গর্বে, দৌভাগ্যে ঘাড় হেঁট করতুম। ওরে হতভাগী! সে দিন ঘাড়টা তোর চিরকালের মত একেবারে ভেঙে মাটিতে লুটিয়ে পড়েনি কেন?

স্বামী

মামা উচ্চ অঙ্গের একটু হাস্ত করে বলতেন, “কি জান নরেন, এ শুধু শেখাবার ক্যাপাসিটি।”

কিন্তু তর্কাতর্কি আমার তত ভাল লাগত না, যত ভাল লাগত তার মুখের মটিক্রিষ্টোর গল্প। কিন্তু গল্পও আর শেষ হ’তে চায় না, আমার অধৈর্যেরও আর সীমা পাওয়া যায় না। সকালে ঘুম ভেঙে পর্যন্ত সারাদিন একশ বার মনে করতুম, কখন বেলা পড়বে, কখন নরেন বাবু আসবে।

এমনি তর্ক ক’রে আর গল্প শুনে আমার বিয়ের বয়স বারো ছাড়িয়ে তেরোর শেষে গড়িয়ে গেল, কিন্তু বিয়ে আমার হ’ল না।

তখন বর্ষার নবযৌবনের দিনে মজুমদারদের বাগানের একটা মস্ত বকুলগাছের তলা ঝরা ফুলে-ফুলে একেবারে বোঝাই হয়ে যেত। আমাদের বাগানের ধারের সেই নালাটা পার হয়ে আমি রোজ গিয়ে কুড়িয়ে আনতুম। সে দিন বিকালেও মাথার উপর গাঢ় মেঘ উপেক্ষা ক’রেই দ্রুতপদে যাচ্ছি, মা দেখতে পেয়ে বল্লেন, “ওলো, ছুটে ত যাচ্চিস্, জল যে এল ব’লে।”

আমি বল্লুম, “জল এখন আসবে না, মা, ছুটে গিয়ে ছুটো কুড়িয়ে আনি।”

মা বল্লেন, “পোনের মিনিটের মধ্যে বৃষ্টি নামবে, সহ কথা শোন—যাস্নে। এই অবেলায় ভিজে গেলে ঐ চুলের বোঝা আর শুকাবে না, তা ব’লে দিচ্ছি।”

আমি বল্লুম, “তোমার ছুটি পায় পড়ি মা, যাই।। বৃষ্টি এসে পড়লে মালীদের ওই চালাটার মধ্যে গিয়ে দাঁড়াব।”—বলতে বলতে ছুটে

পালিয়ে গেলুম। মায়ের আমি একটি মেয়ে—দুঃখ দিতে আমাকে কিছুতে পারতেন না। ছেলেবেলা থেকেই ফুল যে কত ভালবাসি, সে ত তিনি নিজেও জানতেন, তাই চুপ ক'রে রইলেন। কত দিন ভাবি, সে দিন যদি হতভাগীর চুলের মৃতি ধ'রে টেনে আনতে মা, এমন ক'রে হয় ত তোমার মুখ পোড়াতুম না।

বকুল-ফুলে কোঁচড় প্রায় ভর্তি হয়ে এসেছে, এমন সময় মা যা বললেন, তাই হ'ল। ঝম্-ঝম্ ক'রে বৃষ্টি এল। ছুটে গিয়ে মালীদের চালার মধ্যে ঢুকে পড়লুম। কেউ নেই, খুঁটি ঠেস দিয়ে দাঁড়িয়ে মেঘের পানে চেয়ে ভাবছি, হুম্ হুম্ ক'রে ছুটে এসে কে ঢুকে পড়ল। মুখ ফিরিয়ে চেয়ে দেখি—ও মা! এ যে নরেন বাবু! কলকাতা থেকে তিনি যে বাড়ী এসেছেন, কৈ, সে তো আমি শুনি নি!

আমাকে দেখে চমকে উঠে বললেন, “অ্যা, সহৃ যে! এখানে?”

অনেক দিন তাঁকে দেখিনি, অনেকদিন তাঁর গলা শুনি নি, আমার বকের মধ্যে যেন আনন্দের ঢেউ ব'য়ে গেল। কান পর্যন্ত লজ্জায় বাঙা হয়ে উঠল;—মুখের পানে চেয়ে ত জবাব দিতে পারলুম না, মাটির দিকে চেয়ে বললুম, “আমি ত রোজই ফুল কুড়তে আসি। কবে এলেন?”

নরেন মালীদের একটা ভাঙা খাটিয়া টেনে নিয়ে ব'সে বললে, “আজ সকালে। কিন্তু তুমি কার হুকুমে ফুল চুরি কর শুনি?”

গম্ভীর গলায় আশ্চর্য হয়ে হঠাৎ মুখ তুলে দেখি, চোক ছটো তার চাপা হাসিতে নাচছে।

লজ্জা! লজ্জা! এই পোড়ার মুখেও কোথা থেকে হাসি এসে পড়ল; বললুম, “তাই বই কি! কষ্ট ক'রে কুড়িয়ে নিলে বুঝি চুরি করা হয়?”

স্বামী

নরেন ফস ক'রে দাঁড়িয়ে উঠে বললে, “আর আমি যদি ঐ কুড়োনো ফুলগুলো তোমার কৌচড়ের ভেতর থেকে আর একবার কুড়িয়ে নিই, তাকে কি বলে?”

জানিনে, কেন আমার ভয় হ'ল, সত্যিই যেন এইবার সে এসে আমার আঁচল চেপে ধরবে। হাতের মুঠো আমার আলুগা হয়ে গিয়ে চোখের পলকে সমস্ত ফুল ঝপ্ ক'রে মাটিতে প'ড়ে গেল।

“ও কি করলে?”

আমি কোনমতে আপনাকে সামলে নিয়ে বললুম, “আপনাদেরই ত ফুল, বেশত, নিন্ না কুড়িয়ে।”

“এঁ্যা! এত অভিমান!” ব'লে সে উঠে এসে আমার আঁচলটা টেনে নিয়ে ফুল কুড়িয়ে কুড়িয়ে রাখতে লাগল। কেন জানিনে, হঠাৎ আমার দুচোক জলে ভ'রে গেল, আমি জোর ক'রে মুখ ফিরিয়ে আর একদিকে চেয়ে রইলুম।

সমস্ত ফুলগুলি কুড়িয়ে আমার আঁচলে একটা গেরো দিয়ে নরেন তার জায়গায় ফিরে গেল। খানিকক্ষণ আমার পানে চুপ ক'রে চেয়ে থেকে বললে, “যে ঠাট্টা বুঝতে পারে না, এত অল্পে রাগ করে, তার ফিলজ্জফি পড়া কেন? আমি কালই গিয়ে ব্রজবাবুকে ব'লে দেব, তিনি আর যেন পণ্ডশ্রম না করেন।”

আমি আগেই চোখ মুছে ফেলেছিলুম, বললুম, “কে রাগ ক'রেচে?”

“যে ফুল ফেলে দিলে।”

“ফুল ত আপনি প'ড়ে গেল।”

“মুখখানাও বুঝি আপনি ফিরে আছে!”

“আমি ত মেঘ দেখছি।”

“মেঘ বুঝি এ দিকে ফিরে দেখা যায় না?”

“কৈ যায়?” ব’লে আমি ভুলে হঠাৎ মুখ ফেরাতেই দুজনের চোখোচোখি হয়ে গেল। নরেন ফিক্ ক’রে হেসে বললে, “একথানা আরসি থাকলে যায় কি না দেখিয়ে দিতুম। নিজের মুখে চোখেই এক-সঙ্গে মেঘ-বিছাৎ দেখতে পেতে; কষ্ট ক’রে আকাশে খুঁজতে হ’ত না।”

আমি তখুনি চোখ ফিরিয়ে নিলুম। রূপের প্রশংসা আমি ঢের শুনেছি, কিন্তু নরেনের চাপা হাসি, চাপা ইঙ্গিত সে দিন আমার বুকের মধ্যে ঢুকে আমার হৃৎপিণ্ডটাকে যেন সজোরে ছুলিয়ে দিলে। এই ত সে পাঁচ বছর আগের কথা, কিন্তু আজ মনে হয়, সে সৌদামিনী বুঝি বা আর কেউ ছিল!

নরেন বললে, “মেঘ না কাটলে ব্রজ বাবুকে ব’লে দেব, লেখা-পড়া শেখানো মিছে। তিনি আর যেন কষ্ট না করেন।”

আমি বললুম, “বেশ ত, ভালই ত। আমি ও সব পড়তেও চাইনে, বরং গল্প বই পড়তেই আমার ঢের ভাল লাগে।”

নরেন হাততালি দিয়ে ব’লে উঠল, “দাঁড়াও ব’লে দিচ্ছি,—আজ-কাল নভেল পড়া হচ্ছে বুঝি?”

আমি বললুম, “গল্পের বই তবে আপনি নিজে পড়েন কেন?”

নরেন বললে, “সে শুধু তোমাকে গল্প বলবার জন্তে। নইলে পড়তুম না।” বুষ্টির দিকে চেয়ে বললে, “আচ্ছা, এ জল যদি আজ না থামে? কি করবে?”

আমি

বল্লুম, “ভিজে-ভিজে চ’লে যাব।”

“আচ্ছা, এ যদি আসামের পাহাড়ী বৃষ্টি হ’ত, তা’হলে?”

গল্প জিনিসটা চিরদিন কি ভালই বাসি! একটুখানি গন্ধ পাবা-মাত্র আমার চোখের দৃষ্টি একমুহূর্তে আকাশ থেকে নরেনের মুখের উপর নেমে এল। জিজ্ঞেস ক’রে ফেল্লুম, “সে দেশে বৃষ্টির মধ্যে বৃষ্টি বেরোনো যায় না?”

নরেন বললে, “একেবারে না। গায়ে তীরের মত বেঁধে।”

“আচ্ছা, তুমি সে বৃষ্টি দেখেচ?” পোড়া মুখ দিয়ে ‘তুমি’ বার হ’য়ে গেল। ভাবি জিভটা সঙ্গে সঙ্গে যদি মুখ থেকে খসে পড়ে যেত!

সে বললে, “এর পর যদি একজন ‘আপনি’ ব’লে ডাকে, সে আর একজনের মরা-মুখ দেখবে।”

“কেন দিবি্য দিলেন? আমি ত কিছুতে ‘তুমি’ বলবো না।”

“বেশ তা হ’লে মরা-মুখ দেখো।”

“দিবি্য কিছুই না। ও আমি মানিনে।”

“কেমন মান না, একবার ‘আপনি’ ব’লে প্রমাণ ক’রে দাও।”

মনে মনে রাগ ক’রে বল্লুম, পোড়ারমুখী! মিছে তেজ তোর রইল কোথায়? মুখ দিয়ে ত কিছুতে বার করতে পারুলিনে! কিন্তু দুর্গতির যদি ঐখানেই সেদিন শেষ হয়ে যেত!

ক্রমে আকাশের জল থামল বটে, কিন্তু পৃথিবীর জলে সমস্ত হুনিয়াটা যেন ঘুলিয়ে একাকার ক’রে দিলে। সন্ধ্যা হয়-হয়। ফুল ক’টি আঁচলে বাঁধা, কাদা-ভরা বাগানের পথে বেরিয়ে পড়্লুম।

নরেন বললে, “চল, তোমাকে পৌছে দি।”

আমি বল্লুম, “না।”

মন যেন ব’লে দিলে, সেটা ভাল না। কিন্তু অদৃষ্টকে ডিঙিয়ে যাবো কি ক’রে? বাগানের ধারে এসে ভয়ে হতবুদ্ধি হয়ে গেলুম। সমস্ত নালাটা জলে পরিপূর্ণ! পার হই কি ক’রে?

নরেন সঙ্গে আসেনি, কিন্তু, সেইখানে দাঁড়িয়ে দেখছিলাম। আমাকে চুপ ক’রে দাঁড়াতে দেখে অবস্থাটা বুঝে নিতে তার দেরি হ’ল না। কাছে এসে বললে, “এখন উপায়?”

আমি কাদ-কাদ হয়ে বল্লুম, “নালায় ডুবে মরি, সেও আমার ভালো, কিন্তু একলা অত দূর যদর রাস্তা ঘুরে আমি কিছতে যাব না। মা দেখলে—”

কথাটা আমি শেষ করতেই পারলুম না।

নরেন হেসে বললে, “তার আর কি, চল, তোমাকে সেই পিটুলি গাছটার উপর দিয়ে পার ক’রে দিই।”

তাই ত বটে! আহ্লাদে মনে-মনে নেচে উঠলুম। এতক্ষণ আমার মনে পড়েনি যে, থানিকটা দূরে একটা পিটুলি গাছ বহুকাল থেকে ঝড়ে উপড়ে নালার ওপর ব্রিজের মত পড়ে আছে। ছেলেবেলায় আমি নিজেই তার উপর দিয়ে এপার-ওপার হয়েছি।

খুসি হয়ে বল্লুম, “তাই চল—”

নরেন তার চেয়েও খুসি হয়ে বললে, “কেমন মিষ্টি শোনালে বলত!” বল্লুম, “যাও—”

সে বললে, “নির্ধিস্থে পার না ক’রে দিয়ে কি আর যেতে পারি!”

বল্লুম, “তুমি কি আমার পারের কাণ্ডারী না কি?”

আমী

আমি আজও ভেবে পাইনি, এ কথা কি ক'রেই বা মনে এল এবং কেমন ক'রেই বা মুখ দিয়ে বার করলুম। কিন্তু, সে যখন আমার মুখপানে চেয়ে একটু হেসে বললে, “দেখি, তাই যদি হ'তে পারি”—আমি ঘেম্নায় যেন ম'রে গেলুম!

সেখানে এসে দেখি, পার হওয়া সোজা নয়। একে ত স্থানটা গাছের ছাওয়ায় অন্ধকার, তাতে, সেই পিটুলি গাছটাই জলে ভিজ়ে ভিজ়ে যেমন পিছিল, তেমনি উঁচু-নীচু হয়ে আছে। তলা দিয়ে সমস্ত বৃষ্টির জল ছুঁ শব্দে বয়ে যাচ্ছে—আমি একবার পা বাড়াই, একবার টেনে নিই। নরেন স্বানিকক্ষণ দেখে বললে, “আমার হাত ধ'রে যেতে পারবে?”

বললুম, “পারব।” কিন্তু তার হাত ধ'রে এমনি কাণ্ড করলুম যে, সে কোন মতে টাল্ সামলে এদিকে লাফিয়ে প'ড়ে আত্মরক্ষা করলে। কয়েক মুহূর্ত সে চুপ ক'রে আমার মুখপানে চেয়ে রইল, তার পরেই তার চোখ দুটো যেন ঝক্ ঝক্ ক'রে উঠল। বললে, “দেখবে, একবার সত্যিকারের কাণ্ডারী হ'তে পারি কি না?”

আশ্চর্য্য হয়ে বললুম, “কি ক'রে?”

“এমনি ক'রে” বলেই সে নত হয়ে আমার দুই হাঁটুর নীচে—এক হাত, ঘাড়ের নীচে অল্প হাত দিয়ে চোখের নিমিষে তার বুকের কাছ তুলে নিয়ে সেই গাছটার উপর পা দিয়ে দাঁড়াল। ভয়ে আমি চোখ বুজে বাঁ হাত দিয়ে তার গলা জড়িয়ে ধরলুম। নরেন ক্ষতপদে পার হইল এপারে চ'লে এল। কিন্তু নামাবার আগে,—আমার ঠোঁট দুটোকে একেবারে যেন পুড়িয়ে দিলে। কিন্তু থাক্ গে। কম ঘেম্নায় কি আর এ দেহের প্রতি অঙ্গ অহনিশি গলায় দড়ি দিতে চায়!

শিউরুতে শিউরুতে বাড়ী চলে এলুম, ঠোট ছোটো তেমনি জলতেই লাগল বটে, কিন্তু সে জ্বালা লঙ্কামরিচখোরের জলুনির মত যত জলতে লাগল, জ্বালার তৃষ্ণা তত বেড়ে যেতেই লাগল।

মা বললেন, “ভালা মেয়ে তুই সছু,—এলি কি কোরে? নালাটা ত জলে জলময় হয়েচে দেখে এলুম। সেই গাছটার ওপর দিয়ে বুঝি হেঁটে এলি? প’ড়ে মরতে পারলিনে!”

না, মা, সে পুণ্য থাকলে আর এ গল্প লেখবার দরকার হবে কেন!

তার পর দিন নরেন মামার সঙ্গে দেখা করতে এল। আমি সেই খানেই বসেছিলুম,—তার পানে চাইতে পারলুম না, কিন্তু আমার সর্ব্বাঙ্গে কাটা দিয়ে উঠল। ইচ্ছে হ’ল ছোটো পালাই, কিন্তু ঘরের পাকা মেঝে ঘন চোরা বালির মত আমার পা ছোটোকে একটু একটু ক’রে গিলতে লাগল—আমি নড়তেও পারলুম না, মুখ তুলে দেখতেও পারলুম না।

নরেনের যে কি অসুখ হ’ল, তা শয়তানই জানে, অনেকদিন পর্য্যন্ত আর সে কল্‌কাতায় গেল না। রোজই দেখা হ’তে লাগল। মা মাঝে মাঝে বিরক্ত হয়ে আমাকে আড়ালে ডেকে পাঠিয়ে বলতে লাগলেন, “ওদের পুরুষমানুষদের লেখাপড়ার কথাবার্তা হয়, তুই তার মধ্যে হাঁ ক’রে বসে কি শুনিস বলত? যা বাড়ীর ভেতরে যা। এত বড় মেয়ের যদি লজ্জা সরম এতটুকু আছে!”

একপা একপা ক’রে আমার ঘরে চ’লে যেতুম, কিন্তু কোন কাজে মন দিতে পারতুম না। যতক্ষণ সে থাকতো, তার অস্পষ্ট কণ্ঠস্বর শ্রীশ্রী বাইরের পানেই আমাকে টানতে থাকত।

আমি

আমার মামা আর যাই হোন, তাঁর মনটা প্যাচালো ছিল না। তা'ছাড়া, লিখে পড়ে, তর্ক ক'রে ভগবানকে উড়িয়ে দেবার ফন্দিতেই সমস্ত অন্তঃকরণটা তাঁর এমনি অহুক্ষণ ব্যস্ত হ'য়ে থাকত যে, তাঁর নাকের ডগায় কি যে ঘটছে, তা দেখতেও পেতেন না। আমি এই বড় একটা মজা দেখেছি, জগতের সব চেয়ে নামজাদা নাস্তিক গুলোই হচ্ছে সব চেয়ে নিরেট বোকা। ভগবানের যে লীলার অন্ত নেই, তিনি যে এই 'না' রূপেই তাদের পোনের আনা মন ভরে থাকেন, এ তারা টেরই পায় না। সপ্রমাণ হোক, অপ্রমাণ হোক, তাঁর ভাবনাতেই সারাদিন কাটিয়ে দিয়ে বলে, "সংসারে মানুষগুলো কি বোকা! তারা সকাল-সন্ধ্যায় ব'সে মাঝে মাঝে ভগবানের চিন্তা করে!" আমার মামারও ছিল সেই দশা! তিনি কিছুই দেখতে পেতেন না। কিন্তু, মা ত তা' নয়। তিনি যে আমারই মত মেয়েমানুষ। তাঁর দৃষ্টিকে ফাঁকি দেওয়া ত সহজ ছিল না। আমি নিশ্চয় জানি, মা আমাদের সন্দেহ ক'রেছিলেন।

আর সামাজিক বাধা আমাদের দুজনের মধ্যে যে কত বড় ছিল এ শুধু যে তিনিই জানতেন, আমি জানতুম না, তা নয়। ভাবলে আমার বুকের সমস্ত রস শুকিয়ে কাঠ হয়ে উঠত, তাই ভাবনার এই বিকী দিকটাকে আমি দুহাতে ঠেলে রাখতুম। কিন্তু শত্রুর বদলে যে, বন্ধুকেই ঠেলে ফেলছি, তাও টের পেতুম। কিন্তু হ'লে কি হয়? যে মাতাল একবার কড়া-মদ খেতে শিখেছে, জল-দেওয়া মদে আর তার মন ওঠে না। নির্জলা বিষের আগুনে কল্জে পুড়িয়ে তোলাতেই যে তখন তার মস্ত স্তম্ভ!

আর একটা জিনিষ আমি কিছুতে ভুলতে পারতুম না। সেটা মজুমদারদের ঐশ্বর্যের চেহারা। ছেলেবেলা মায়ের সঙ্গে কতদিনই ত তাদের বাড়ীতে বেড়াতে গেছি। সেই সব ঘর-দোর, ছবি-দেয়ালগিরি-আলমারি, সিন্দুক, আসবাব-পত্রের সঙ্গে কোন্ একটা ভাবী ছোট একতলা স্বস্তরবাড়ীর কদাকার মূর্তি কল্পনা ক'রে মনে মনে আমি যেন শিউরে উঠতুম!

মাসখানেক পরে একদিন সকালবেলা নদী থেকে স্নান ক'রে বাড়ীতে পা দিয়েই দেখি, বারান্দার ওপর একজন প্রোচা-গোছের বিধবা স্ত্রীলোক মায়ের কাছে ব'সে গল্প করুচে। আমাকে দেখে মাকে জিজ্ঞাসা করলে, “এইটি বুঝি মেয়ে?”

মা ঘাড় নেড়ে বললেন, “হাঁ মা, এই আমার মেয়ে। বাড়ন্ত গড়ন, ন'ইলে—”

স্ত্রীলোকটি হেসে বললে, “তা হোক। ছেলেটির বয়সও প্রায় ত্রিশ, দুজনের মানাবে ভাল। আর ঐ শুনতেই দোজবরে, নইলে যেন কার্তিক।”

আমি দ্রুতপদে ঘরে চ'লে গেলুম। বুঝলুম ইনি ঘটক ঠাকুরগ, আমার স্বয়ং এনেছেন।

মা চৈচিয়ে বললেন, “কাপড় ছেড়ে একবার এসে বোস্ মা!”

কাপড় ছাড়া চুলোয় গেল, ভিজ্জ কাপড়েই দোরের আড়ালে দাঁড়িয়ে কান পেতে শুনতে লাগলুম। বুকের কাঁপুনি যেন আর থামতে চায় না। শুনতে পেলুম, চিতোর গ্রামের কে একজন রাধাবিনোদ মুখুয্যের ছেলে ঘনশ্যাম। পোড়াকপালে না কি অনেক দুঃখ ছিল,

স্বামী

তাই আজ যে নাম জপের মন্তর, সে নাম শুনে সে দিন গা জলে যাবে কেন !

শুনলুম, বাপ নেই, কিন্তু মা আছেন। ছোট ছোট ভাই, এক ভায়ের 'বিয়ে' হয়েছে, একটি এখনও পড়ে। সংসার বড়রই ঘাড়ে, তাই, এন্ট্রান্স পাশ করেই রোজগারের ধান্দায় পড়া ছাড়তে হয়েছে। ধান, চাল, তিসি, পাট প্রভৃতির দালালি করে, উপায় মন্দ করেন না। তাঁরই উপর সমস্ত নির্ভর। তা'ছাড়া ঘরে নারায়ণ-শিলা আছেন, দুটো গরু আছে, বিধবা বোন আছে—নেই কি ?

নেই শুধু সংসারের বড়-বৌ। সাত বছর আগে বিয়ের একমাসের মধ্যেই তিনি মারা যান, তার পর এতদিন বাদে এই চেষ্টা। সাত বছর ! ঘটকীকে উদ্দেশ্য করে মনে মনে বললুম, 'পোড়ার মুখী, এত দিন কি তুই শুধু আমার মাথা খেতেই চোখ বুজে ঘুমুচ্ছিলি ?'

মায়ের ডাকাডাকিতে কাপড় ছেড়ে কাছে এসে বসলুম। সে আমাকে খুঁটিয়ে দেখে বললে, "মেয়ে পছন্দ হয়েছে, এখন দিন স্থির করলেই হ'ল।" মায়ের চোখ দুটিতে জল টলটল করতে লাগল, বললেন, "তোমার মুখে ফুলচন্দন পড়ুক, মা, আর কি বলব !"

মামা শুনে বললেন, "এন্ট্রান্স ? তবে বলে পাঠা, এখন বছর দুই সহর কাছে ইংরিজি পড়ে যাক, তার পরে বিয়ের কথা কওয়া যাবে।"

মা বললেন, "তোমার পায়ে পড়ি দাদা, অমত কোরো না, এমন স্ববিধে আর পাওয়া যাবে না। দিতে খুতে কিছু হবে না —"

মামা বললেন, "তা'হলে হাত-পা বেঁধে গঙ্গায় দিগে যা, সেও এক পয়সা চাইবে না।"

মা বললেন, “পোনরয় পা দিলে যে—”

মামা বললেন, “তা’ত দেবেই ; পোনর বছর বেঁচে রয়েছে যে !”

মা রাগে ছুঁতে কঁাদ-কঁাদ হয়ে বললেন, “তুমি কি ওর তবে বিয়ে দেবে না দাদা ? এর পরে যে একেবারেই পাত্র জুটবে না ।”

মামা বললেন, “সেই ভয়ে ত আগে থেকে ওকে জলে ফেলে দিতে পারা যায় না !”

মা বললেন, “ছেলেটিকে একবার নিজের চোখে দেখে এসো না দাদা, পছন্দ না হয়, না দেবে ।”

মামা বললেন, “সে ভাল কথা । রবিবারে যাব ব’লে চিঠি লিখে দিচ্ছি ।”

ভাঙুরির ভয়ে কথাটা মা গোপন রেখেছিলেন এবং মামাকেও সাবধান ক’রে দিয়েছিলেন । তিনি ত জানতেন না, এমন চোখ-কানও ছিল—যাকে কোন সতর্কতা ফাঁকি দিতে পারে না ।

বাগানে একটুকরো শাকের ক্ষেত করেছিলুম । দিন দুই পরে দুপুরবেলা একটা ভাঙা থুন্তি নিয়ে তার ঘাস তুলুচি, পায়ের শব্দে মুখ ফিরিয়ে দেখি নরেন । তার সে রকম মুখের চেহারা অনেক দিন পরে আর একবার দেখেছিলুম, সত্যি, কিন্তু, আগে কখনো দেখিনি । বুকে এমন একটা ব্যথা বাজল, যা কখনো কোন দিন পাইনি । সে বললে, “আমাকে ছেড়ে কি সত্যিই চললে ?”

কথাটা বুঝেও যেন বুঝতে পারলুম না । ব’লে ফেললুম, “কোথায় ?”

সে বললে, “চিতোর ।”

স্বামী

স্পষ্ট হ'বামাত্রই লজ্জায় আমার মাথা হেঁট হয়ে গেল—কোন উত্তর মুখে এলো না।

সে পুনরায় বললে, “তাই আনিও বিদায় নিতে এসেছি। বোধ হয়, জন্মের মতই। কিন্তু তার আগে দুটো কথা বলতে চাই। শুনবে?”

বলতে বলতেই তার গলাটা যেন ধ'রে গেল। তবুও আমার মুখে কথা যোগাল না—কিন্তু মুখ তুলে চাইলুম। এ কি? দেখি, তার দু'চোখ বয়ে ঝরু-ঝরু ক'রে জল প'ড়ছে।

ওরে পতিতা! ওরে দুর্বল নারী! মানুষের চোখের জল সহ্য করবার ক্ষমতা ভগবান তোরে যখন একেবারে দেন নি, তখন তোরে আর সাধ্য ছিল কি! দেখতে দেখতে আমারও চোখের জলে বুক ভেসে গেল। নরেন কাছে এসে কৌচার খুঁট দিয়ে আনার চোখ মুছিয়ে দিয়ে হাত ধ'রে বললে, “চল, ওই গাছটার তলায় গিয়ে বসি গে—এখানে কেউ দেখতে পাবে।”

মনে বুঝলুম, এ অশ্রায়—একান্ত অশ্রায়! কিন্তু তখনও যে তার চোখের পাতা ভিজে, তখনও যে তার কণ্ঠস্বর কান্নায় ভরা!

বাগানের এক প্রান্তে একটা কাঁঠালি-চাঁপার কুঞ্জ ছিল, তার মধ্যে সে আমাকে ডেকে নিয়ে গিয়ে বসালে।

একটা ভয়ে আমার বকের মধ্যে ছুর ছুর করছিল, কিন্তু সে নিজেই দূরে গিয়ে ব'সে বললে, “এই একান্ত নির্জন স্থানে তোমাকে ডেকে এনেছি বটে, কিন্তু তোমাকে ছোঁব না। এখনও তুমি আমার হওনি।”

তার শেষ কথায় আবার পোড়া চোখে জল এসে পড়ল। আঁচলে মুছে মাটির দিকে চেয়ে চুপ ক'রে ব'সে রইলুম।

তার পরে অনেক কথাই হ'ল, কিন্তু থাক্ গে সে সব। আজও ত প্রতিদিনকার অতি তুচ্ছ ঘটনাটি পর্য্যন্ত মনে করতে পারি,—মরণেও যে বিস্মৃতি আসবে, সে আশা করতেও যেন ভরসা হয় না। একটা কারণে আমি আমার এত বড় দুর্গতিতেও কোন দিন বিধাতাকে দোষ দিতে পারিনি। স্পষ্ট মনে পড়ে, আমার চিত্তের মাঝে থেকে নরেনের সংস্রব তিনি কোন দিন প্রসন্ন-চিত্তে গ্রহণ করেন নি। সে যে আমার জীবনে কত বড় মিথ্যে, এ তো তাঁর অগোচর ছিল না। তাই তার প্রণয়-নিবেদনের মুহূর্ত্তের উত্তেজনা পরক্ষণের কত বড় অবসাদে যে ডুবে যেত, সে আমি ভুলিনি। যেন কার কত চুরি-ডাকাতি, সর্ব্বনাশ ক'রে ঘরে ফিরে এলুম, এমনি মনে হ'ত। কিন্তু এমনি পোড়া কপাল যে, অন্তর্য্যামীর এত বড় ইন্ধিতেও আমার জ্বল হয় নি। হবেই বা কি ক'রে? কোন দিন ত শিখিনি যে, ভগবান্ মাছঘের বৃকের মধ্যেও বাস করেন। এ সব তাঁরই নিষেধ।

মামা পাত্র দেখতে যাত্রা করলেন। যাবার সময় কতই না ঠাট্টা-তামাসা ক'রে গেলেন। মা মুখ চুপ ক'রে দাঁড়িয়ে রইলেন, মনে মনে বেশ বুঝলেন, এ যাওয়া পণ্ডশ্রম। পাত্র তাঁর কিছুতে পছন্দ হবে না।

কিন্তু আশ্চর্য্য, ফিরে এসে আর বড় ঠাট্টা-বিদ্রূপ করলেন না। বললেন, “হাঁ, ছেলোট পাশ-টাশ তেমন কিছু করতে পায়নি বটে, কিন্তু মুখ্য ব'লেও মনে হ'ল না। তা ছাড়া বড় নম্র, বড় বিনয়ী। আর

স্বামী

একটা কি জানিস্ গিরি, ছেলেটির মুখের ভাবে কি একটু আছে, ইচ্ছে হয়, ব'সে ব'সে আরও হৃদয় আলাপ করি।”

মা আহ্লাদে মুখখানি উজ্জ্বল ক'রে বললেন, “তবে আর আপত্তি কোরো না দাদা, মত দাও—সহুর একটা কিনারা হয়ে যাক্।”

মামা বললেন, “আচ্ছা, ভেবে দেখি।”

আমি আড়ালে দাঁড়ায়ে নিরাশার আশাটুকু বুকে চেপে ধ'রে মনে মনে বললুম, “যাক্, মামা এখনো মনস্থির করতে পারেন নি। এখনো বলা যায় না। কিন্তু কে জান্ত, তাঁর ভাগ্যীর বিয়ের সম্বন্ধে মতিস্থির করবার পূর্বেই তাঁর নিজের সম্বন্ধে মতিস্থির করবার ডাক এসে পড়'বে। যাকে সারাজীবন সন্দেহ ক'রে এসেছেন, সে দিন অত্যন্ত অকস্মাৎ তাঁর দূত এসে যখন একেবারে আমার শিয়রে দাঁড়াল, তখন তিনি চমকে গেলেন। তাঁর কথা শুনে আমাদেরও বড় কম চমক লাগল না। মাকে কাছে ডেকে বললেন, “আমি মত দিয়ে যাচ্ছি বোন, সহুর সেইখানেই বিয়ে দিস্। ছেলেটির যথার্থ ভগবানে বিশ্বাস আছে। মেয়েটা স্থখে থাক'বে।”—অবাক্ কাও! কিন্তু অবাক্ হ'লেন না শুধু মা। নাস্তিকতা তিনি দৃষ্টিতে দেখতে পারতেন না। তাঁর ধারণা ছিল, মরণকালে সবাই ঘুরে ফিরে হরি বলে। তাই তিনি বলতেন, ‘মাতাল তার মাতাল বন্ধুকে যত ভালই বাসুক না কেন, নির্ভর করবার বেলায় করে শুধু তাকে—যে মদ খায় না।’ জানি না, কথাটা কতখানি সত্যি।

স্বদুরোগে মামা মারা গেলেন, আমরা পড়'লুম অকুল পাথারে। হুঃখে হুঃখে কিছু দিন গেল বটে, কিন্তু যে বাড়ীতে অবিবাহিতা মেয়ের বয়স পোনার পার হয়ে যায়, সেখানে আলশুভরে শোক করবার সুবিধা

Imp 4184 M-16.9.07 ২০
RARE BOOK

থাকে না। মা চোখ মুছে উঠে ব'সে আবার কোমর বেঁধে লাগলেন।

অবশেষে অনেক দিন অনেক কথা কাটাকাটির পর, বিবাহের লগ্ন যখন সত্যিই আমার বৃকে এসে বিধূল, তখন বয়সও ষোল পার হয়ে গেল। তখনও আমি প্রায় এমনিই লম্বা। আমার এই দীর্ঘ দেহটার জগৎ জননীর লজ্জা ও কুণ্ডার অবধি ছিল না। রাগ ক'রে প্রায়ই ভৎসনা করতেন, 'হতভাগা মেয়েটার সবই সৃষ্টিছাড়া!' একে ত বিয়ের কনের পক্ষে সতেরো বছর একটা মারাত্মক অপরাধ, তার উপর এই দীর্ঘ গড়নটা যেন তাকেও ডিড়িয়ে গিয়েছিল। অন্ততঃ সে রাতটার জগৎও যদি আমাকে কোন রকমে মুচড়ে-মাচড়ে একটু খাটো ক'রে তুলতে পারতেন, মা বোধ করি, তাতেও পেছুতেন না। কিন্তু সে তো হবার নয়। আমি আমার স্বামীর বৃক ছাড়িয়ে একেবারে দাড়ির কাছে গিয়ে পৌছলুম।

কিন্তু শুভদৃষ্টি হ'ল না, আমি ঠিক রাগে নয়, কেমন যেন একটা বিতৃষ্ণায় চোখ বুজে রইলুম। কিন্তু তাও বলি, এমন কোন অসহ্য মর্মান্তিক দুঃখও তখন আমি মনের মধ্যে পাইনি।

ইতিপূর্বে কত দিন সারা রাত্রি জেগে জেগে ভেবেছি, এমন দুর্ঘটনা যদি সত্যিই কপালে ঘটে, নরেন এসে আমাকে না নিয়ে যায়, তবু আর কারও সঙ্গে আমার বিয়ে কোনমতেই হ'তে পারবে না। সে রাজ্রে নিশ্চয় আমার বৃক চিরে ভলকে ভলকে রক্ত মুখ দিয়ে গড়িয়ে পড়বে, ধরাধরি ক'রে আমাকে বিবাহ-সভা থেকে বিছানায় তুলে নিয়ে যেতে হবে, এ বিশ্বাস আমার মনে একেবারে বদ্ধমূল হয়েছিল। কিন্তু কৈ

স্বামী

কিছুই ত হ'ল না। আরও পাঁচজন বাঙ্গালীর মেয়ের যেমন হয়, শুভ-কর্ম তেমনি ক'রে আমারও সমাধা হয়ে গেল, এবং তেমনি ক'রেই একদিন শশুরবাড়ী যাত্রা করলুম।

শুধু যাবার সময়টিতে পাঙ্কীর ফাঁক দিয়ে সেই কাঁটালি-চাঁপার কুঞ্জটায় চোখ পড়ায় হঠাৎ চোখে জল এল। সে যে আমাদের কত দিনের কত চোখের জল, কত দিকি-দিশাশার নীরব সাক্ষী।

আমার চিত্তের গ্রামের স্মৃতিটা যে দিন পাকা হয়ে গেল, ওই গাছ-টার আড়ালে ব'সেই অনেক অশ্রু-বিনিময়ের পর স্থির হয়েছিল, সে এসে একদিন আমাকে নিয়ে চ'লে যাবে। কেন, কোথায় প্রভৃতি বাহুল্য প্রশ্নের তখন আবশ্যকও হয় নি।

আর কিছু না, শুধু যাবার সময় একবার যদি দেখা হ'ত!—কেন সে আমাকে আর চাইলে না, কেন আর একটা দিনও দেখা দিলে না—শুধু যদি খবরটা পেতুম।

শশুরবাড়ী গেলুম, বিয়ের বাকি অল্পটুকুও শেষ হয়ে গেল। অর্থাৎ আমি আমার স্বামীর ধর্মপত্নীর পদে এইবার পাকা হয়ে বোসলুম।

দেখলুম, স্বামীর প্রতি বিতুষা শুধু একা আমার নয়। বাড়ীশুদ্ধই আমার দলে। শশুর নেই, সং-খাশুড়ী তাঁর নিজের ছেলে দুটি, একটি বউ এবং বিধবা মেয়েটি নিয়েই ব্যতিব্যস্ত। এতদিন নিরাপদে সংসার করছিলেন, হঠাৎ একটা সূতেরো আঠারো বৎসরের মন্ত বোঁ দেখে তাঁর সমস্তমন সশস্ত্র জেগে উঠল। কিন্তু মুখে বললেন, “বাচ্চলুম বোমা, তোমার হাতে সংসার ফেলে দিয়ে এখন ছদও ঠাকুরদের নাম করতে পাবো। ঘনশ্যাম আমার পেটের ছেলের চেয়েও বৈশী; সে বেঁচে থাকলেই

তবে সব বজায় থাকবে, এইটি বুঝে শুধু কাজ করো মা, আর কিছু আমি চাইনে।” তাঁর কাজ তিনি করলেন, আমার কাজ আমি করলুম। বললুম, “আচ্ছা।” কিন্তু সে ওই কুস্তিগীরের তাল ঠোকার মত। প্যাচ মারতে যে ছুজনেই জানি, তা ইমারায় জানিয়ে দেওয়া।

কিন্তু কত শীঘ্র মেয়েমানুষ যে মেয়েমানুষকে চিনতে পারে, এ এক আশ্চর্য ব্যাপার। তাঁকে জানতে আমারও যেমন দেরি হোল না, আমাকেও দুদিনের মধ্যে চিনে নিয়ে তিনিও তেমনি আরামের নিশ্বাস ফেললেন। বেশ বুঝলেন, স্বামীর খাওয়া পরা, ওঠা বসা, খরচপত্র নিয়ে দিবারাত্র চক্র ধরে ফোঁস ফোঁস করে বেড়াবার মত আমার উৎসাহও নেই, প্রবৃত্তিও নেই।

মেয়েমানুষের তুণে যত প্রকার দিব্যান্ত আছে, “আড়ি পাতাটা” ব্রহ্মান্ত। স্ত্রীবিধে পেলো এতে মা-মেয়ে, খাণ্ডী-বৌ, জা-ননদ, কেউ কাকে খাতির করে না। আমি ঠিক জানি, আমি যে পালকে না শুয়ে ঘরের মেঝেতে একটা মাছুর টেনে নিয়ে সারা রাত্রি পড়ে থাকতুম, এ সুসংবাদ তাঁর অগোচর ছিল না। আগে যে ভেবেছিলুম, নরেনের বদলে আর কারো ঘর করতে হ’লে সেই দিনই আমার বুক ফেটে যাবে, দেখলুম, সেটা ভুল। ফাটবার চেববার কোন লক্ষণই টের পেলুম না। কিন্তু তাই ব’লে এক শয্যায় শুতেও আমার কিছুতে প্রবৃত্তি হলো না।

দেখলুম, আমার স্বামীটি অদ্ভুত প্রকৃতির লোক। আমার আচরণ নিয়ে তিনি কিছু দিন পর্য্যন্ত কোন কথাই কইলেন না। অথচ, মনে মনে রাগ কিংবা অভিমান করে আছেন, তাও না। শুধু একদিন একটু

স্বামী

হেসে বল্লেন, “ঘরে আর একটা খাট এনে বিছানাটা বড় ক’রে নিলে কি শুতে পার না?”

আমি বল্লুম, “দরকার কি, আমার তো এতে কষ্ট হয় না।”

তিনি বল্লেন, “না হ’লেও একদিন অস্থখ ক’রতে পারে যে।”

আমি বল্লুম, “তোমার এতই যদি ভয়, আমার আর কোন ঘরে শোবার ব্যবস্থা ক’রে দিতে পার না?”

তিনি বল্লেন, “ছিঃ, তা কি হয়? তাতে কত রকমের অপ্রিয় আলোচনা উঠবে।”

বল্লুম, “ওঠে উঠুক আমি গ্রাহ্য করি নে।”

তিনি একমুহূর্ত চুপ ক’রে আমার মুখের পানে চেয়ে থেকে বল্লেন, “এত বড় বৃকের পাটা যে তোমার চিরকাল থাকবে, এমন কি কথা আছে?” বোলে একটুখানি হেসে কাজে চ’লে গেলেন।

আমার মেজ দেওর টাকা চল্লিশের মত কোথায় চাকরি করতেন; কিন্তু একটা পয়সা কখনো সংসারে দিতেন না। অথচ, তাঁর আফিসের সময়ের ভাত, আফিস থেকে এলে পা ধোবার গাডু-গামছা, জলখাবার, পান-তামাক ইত্যাদি যোগাবার জন্তে বাড়ী শুদ্ধ সবাই যেন ত্রস্ত হয়ে থাকত। দেখতুম, আমার স্বামী আর আমার মেজ দেওর হয় ত কোন দিন এক সঙ্গেই বিকেলবেলায় বাড়ী ফিরে এলেন, সবাই তাঁর জন্তেই ব্যতিব্যস্ত; এমন কি, চাকরটা পর্য্যন্ত তাঁকে প্রসন্ন করবার জন্তে ছুটোছুটি ক’রে বেড়াচ্ছে। তাঁর একতিল দেবী কিংবা অস্থবিধা হ’লে যেন পৃথিবী রসাতলে যাবে। অথচ আমার স্বামীর দিকে কেউ চেয়েও

দেখত না। তিনি আধঘণ্টা ধ'রে হয় ত এক ঘটি জলের জন্তে দাঁড়িয়ে আছেন—কারও সে দিকে গ্রাহ্যই নেই। অথচ এদের খাওয়া-পরা স্বখ-স্ববিধের জন্তেই তিনি দিবা-রাত্রি খেটে মরছেন। ছ্যাকড়া গাড়ীর ঘোড়াও মাঝে মাঝে বিদ্রোহ করে, কিন্তু, তাঁর যেন কিছুতেই শ্রান্তি নেই, কোন ছুঃখই যেন তাঁকে পীড়া দিতে পারে না। এমন শান্ত, এত ধীর, এত বড় পরিশ্রমী, এর আগে কখনও আমি চোখে দেখিনি। আর চোখে দেখেছি ব'লেই লিখতে পারছি, নইলে শোনা কথা হ'লে বিশ্বাস করতেই পারতুম না, সংসারে এমন ভাল মানুষও থাকতে পারে। মুখে হাসিটি লেগেই আছে। সবতাতেই বলতেন, “থাক থাক, আমার এতেই হবে।”

স্বামীর প্রতি আমার মায়াই ত ছিল না, বরঞ্চ বিতৃষ্ণার ভাবই ছিল। তবু এমন একটা নিরীহ লোকের উপর বাড়ীশুদ্ধ সকলের এত বড় অগ্নায় অবহেলায় আমার গা যেন জলে যেতে লাগলো।

বাড়ীতে গরুর দুধ বড় কম হ'ত না। কিন্তু তাঁর পাতে কোন দিন বা একটু পড়ত, কোন দিন পড়ত না। হঠাৎ এক দিন সইতে না পেয়ে ব'লে ফেলেছিলুম আর কি! কিন্তু পরক্ষণেই মনে হ'ল, ছি, ছি, কি নিঃসজ্জাই আমাকে তা হ'লে এরা মনে করত! তা ছাড়া এরা সব আপনার লোক হয়েও যদি দয়া-মায়্যা না করে, আমারই বা এত মাথা-ব্যথা কেন? আমি কোথাকার কে? পর বই ত না!

দিন পাঁচ ছয় পরে একদিন সকালবেলা রান্নাঘরে ব'সে মেজ ঠাকুর-পোর জন্তে চা তৈরী করছি, স্বামীর কণ্ঠস্বর আমার কানে গেল। তাঁর সকালেই কোথায় বা'র হবার দরকার ছিল, কিব্বতে দেরি হবে, মাকে

স্বামী

ডেকে বল্লেন, “কিছু থেয়ে গেলে বড় ভাল হ’ত, মা, খাবার-টাবার কিছু আছে?”

মা বল্লেন, “অবাক করলে ঘনশ্রাম! এত সকালে খাবার পাব কোথায়?”

স্বামী বল্লেন, “তবে থাক্, ফিরে এসেই খাবো।” ব’লে চ’লে গেলেন।

সে দিন আমি কিছুতে আপনাকে আর সামলাতে পারলুম না। আমি জানতুম, ওপাড়ার বোসেরা তাদের বেয়াই-বাড়ীর পাওয়া সন্দেশ-রস-গোল্লা পাড়ায় বিলিয়েছিল। কা’ল রাত্রে আমাদেরও কিছু দিয়েছিল।

শ্বাশুড়ী ঘরে ঢুকতেই ব’লে ফেললুম, “কা’লকের খাবার কি কিছুই ছিল না মা?”

তিনি একেবারে আকাশ থেকে প’ড়ে বল্লেন, “খাবার আবার কে কিনে আনলে বউ মা?”

বললুম, “সেই যে বোসেরা দিয়ে গিয়েছিল?”

তিনি বল্লেন, “ও মা, সে আবার কটা যে, আজ সকাল পর্যন্ত থাকবে? সে ত কালই শেষ হয়ে গেছে।”

বললুম, “তা ঘরেই কি কিছু খাবার তৈরি ক’রে দেওয়া যেত না মা?”

শ্বাশুড়ী বল্লেন, “বেশ ত বোঁমা, তাই কেন দিলে না? তুমিও ত ব’সে ব’সে সমস্ত শুনছিলে বাছা?”

চুপ ক’রে রইলুম। আমার কিই বা বলবার ছিল। স্বামীর প্রতি আমার ভালবাসার টান ত আর বাড়ীতে কারো অবিদিত ছিল না।

চুপ ক'রে রইলুম সত্যি, কিন্তু ভেতরে ভেতরে মনটা আমার জ্বলতেই লাগল। দুপুরবেলা শ্বাশুড়ী ডেকে বল্লেন, “থাবে এস বউ মা, ভাত বাড়ি হয়েছে।”

বল্লুম, “আমি এখন থাব না মা, তোমরা খাও গে।”

আমার আজকের মনের ভাব শ্বাশুড়ী লক্ষ্য করছিলেন, বল্লেন, “থাবে না, কেন শুনি?”

বল্লুম, “এখন ক্ষিদে নেই।”

আমার মেজ-জা আমার চেয়ে বছর চারেকের বড় ছিলেন। রান্না-বরের ভেতর থেকে ঠোকর দিয়ে ব'লে উঠলেন, “বটঠাকুরের খাওয়া না হ'লে বোধ হয় দিদির ক্ষিদে হবে না মা।”

শ্বাশুড়ী বল্লেন, “তাই না কি বউ মা? বলি, এ নূতন ঢঙ শিখলে কোথায়?”

তিনি কিছু মিথ্যে বলেন নি, আমার পক্ষে এ ঢঙই বটে, তবু খেঁটা সহিতে পারলুম না, জবাব দিয়ে বল্লুম, “নূতন হবে কেন মা, তোমাদের সময়ে কি এ রীতির চলন ছিল না? ঠাকুরদের খাবার আগেই কি খেতে?”

“তবু ভালো, ঘনশ্রামের এতদিনে কপাল ফিরল” ব'লে শ্বাশুড়ী মুখখানা বিকৃত ক'রে রান্নাঘরে গিয়ে ঢুকলেন।

মেজ-জায়ের গলা কানে গেল। তিনি আমাকে শুনিয়েই বল্লেন, “তখনি ত বলেছিলুম মা, বুড়ো শালিক পোষ মানবে না।”

রাগ ক'রে ঘরে এসে শুয়ে পড়লুম বটে, কিন্তু এইবার সমস্ত জিনিসটা মনে মনে আলোচনা ক'রে লজ্জায় যেন মাথা কাটা যেতে লাগল।

স্বামী

কেবলই মনে হ'তে লাগল, তাঁর থাওয়া হয় নি ব'লে থাইনি, তাঁর কথা নিয়ে ঝগড়া করেচি, ফিরে এসে, এ সব যদি তাঁর কানে যায় ? ছি ছি ! কি ভাববেন তিনি ! আমার এতদিনের আচরণের সঙ্গে এ ব্যবহার এমনি বিসদৃশ, থাপছাড়া যে, নিজের লজ্জাতেই নিজের ম'রে যেতে লাগলুম ।

কিন্তু বাচ্‌লুম, ফিরে এলে এ কথা কেউ তাঁকে শোনালে না ।

সত্যিই বাচ্‌লুম, এর এক বিন্দু মিছে নয় । কিন্তু আচ্ছা—একটা কথা যদি বলি, তোমরা বিশ্বাস করতে পারবে কি ? যদি বলি, সে রাত্রে পরিশ্রান্ত স্বামী শয্যার উপর ঘুমিয়ে রইলেন, আর নীচে যতক্ষণ না আমার ঘুম এল, ততক্ষণ ফিরে ফিরে কেবলই সাধ হ'তে লাগল, কেউ যদি কথাটা গুর কানে তুলে দিত, অভুক্ত স্বামীকে ফেলে আজ আমি কিছূতে থাই নি, এই নিয়ে ঝগড়া করেচি, তবু মুখ বুজে 'এ অস্থায়ী সহ্য করিনি—কথাটা তোমাদের বিশ্বাস হবে কি ? না হ'লে তোমাদের দোষ দেব না, হ'লে বহু ভাগ্য ব'লে মানব । আজ আমার স্বামীর বড় ত ব্রহ্মাণ্ড আর কিছূই নেই, তাঁর নাম নিয়ে বল্‌চি, মাহুষের মন পদার্থ-টার যে অন্ত নেই, সেই দিন তার আভাস পেয়েছিলুম । এত বড় পাপিষ্ঠার মনের মধ্যেও এমন ছোটো উল্টো শ্রোত এক সঙ্গে ব'য়ে যাবার স্থান হ'তে পারে দেখে তখন অবাক হয়ে গিয়েছিলুম ।

মনে মনে বলতে লাগলুম, এ যে বড় লজ্জার কথা ! নইলে এখুনি ঘুম থেকে জাগিয়ে ব'লে দিতুম, শুধু স্ফটিকছাড়া ভালোমাহুষ হ'লেই হয় না, কর্তব্য করতে শেখাও দরকার । যে স্ত্রীর তুমি একবিন্দু খবর নাও না, সে তোমার জ্ঞান কি করেছে, একবার চোখ মেলে দেখ । হা রে

পোড়া কপাল ! খতোঃ চায় সূর্য্যদেবকে আলো ধ'রে পথ দেখাতে !
তাই বলি, হতভাগীর স্পর্দ্ধার কি আর আদি অন্ত দাওনি
ভগবান !

গরমের জন্ম কি না বলতে পারিনে, কদিন ধ'রে প্রায়ই মাথা
ধবুছিল। দিন পাঁচেক পরে অনেক রাত্রি পর্য্যন্ত ছটফট্ ক'রে কখন
একটু ঘুমিয়ে পড়েছিলুম। ঘুমের মধ্যেই যেন মনে হচ্ছিল, কে পাশে
ব'সে ধীরে ধীরে পাথার বাতাস করচে। একবার ঠক্ ক'রে গায়ে
পাখাটা ঠেকে যেতে ঘুম ভেঙে গেল। ঘরে আলো জ্বল্ছিল, চেয়ে
দেখলুম স্বামী !

রাত জেগে ব'সে পাথার বাতাস ক'রে আমাকে ঘুম পাড়াচ্ছেন !

হাত দিয়ে পাখাটা ধ'রে ফেলে বললুম, “এ তুমি কি
করচ ?”

তিনি বললেন, “কথা কইতে হবে না, ঘুমোও ; জেগে থাকলে
মাথাধরা ছাড়বে না।”

আমি বললুম, “আমার মাথা ধরেছে, কে তোমাকে বললে ?”

তিনি একটু হেসে জবাব দিলেন, “কেউ বলেনি, আমি হাত গুণ্তে
জানি। কারো মাথা ধবুলেই টের পাই।”

বললুম, “তা হ'লে ত অন্ত দিনও পেয়েছ বল ? মাথা ত শুধু আমার
আজই ধরেনি।”

তিনি আবার একটু হেসে বললেন, “রোজই পেয়েছি। কিন্তু এখন
একটু ঘুমোবে, না, কথা কবে ?”

বললুম, “মাথাধরা আমার ছেড়ে গেছে, আর ঘুমোবো না।”

আমী

তিনি বললেন, “তবে সবুর কর, তোমার ওষুধটা কপালে লাগিয়ে দিই, ব’লে উঠে গিয়ে কি একটা নিয়ে এসে ধীরে ধীরে আমার কপালে ঘ’ষে দিতে লাগলেন। আমি ঠিক ইচ্ছে ক’রেই যে করলুম, তা নয়, কিন্তু আমার ডান হাতটা কেমন ক’রে তাঁর কোলের ওপর গিয়ে পড়তেই তিনি একটা হাত দিয়ে সেটা চেপে ধ’রে রাখলেন। হয় ত একবার একটু জোর ক’রেও ছিলুম। কিন্তু সে জোর আপনাই কোথায় মিলিয়ে গেল। দুঃস্থ ছেলেকে মা যখন কোলে টেনে নিয়ে জোর ক’রে ধ’রে রাখেন, তখন, বাইরে থেকে হয় ত সেটাকে একটুখানি অত্যাচারের মতও দেখায়, কিন্তু সে অত্যাচারের মধ্যে শিশুর ঘুমিয়ে পড়তে বাধে না।

বাইরের লোক যাই বলুক, শিশু বোঝে, ওইটেই তার সব চেয়ে নিরাপদ স্থান। আমার এই জড়পিণ্ড হাতটীরও বোধ করি সেই জ্ঞানই ছিল, নইলে কি কোরে সে টের পেলে, নিশ্চিত নির্ভয়ে প’ড়ে থাকবার এমন আশ্রয় তার আর নেই।

তার পরে তিনি আন্তে আন্তে আমার কপালে হাত বুলোতে লাগলেন, আমি চুপ ক’রে প’ড়ে রইলুম। আমি এর বেশী আর বোলব না। আমার সেই প্রথম রাত্রির আনন্দস্মৃতি—সে আমার, একেবারে আমারই থাক।

কিন্তু আমি ত জানতুম, ভালবাসার যা কিছু, সে আমি শিখে এবং শেষ ক’রে দিয়ে শ্বশুরবাড়ী এসেছি। কিন্তু সে শেখা যে ডাডায় হাত-পা ছুঁড়ে সাঁতার শেখার মত ভুল শেখা, এই সোজা কথাটা সে দিন যদি টের পেতুম! স্বামীর কোলের ওপর থেকে আমার হাতখানা যে

তার সর্ব্বাঙ্গ দিয়ে শোষণ ক'রে, এই কথাটাই আমার বৃকের ভেতর পৌঁছে দেবার চেষ্টা করছিল, এই খবরটা যদি সে দিন আমার কাছে ধরা পড়ত !

সকালে ঘুম ভেঙে দেখলুম, স্বামী ঘরে নেই, কখন উঠে গেছেন। হঠাৎ মনে হ'ল, স্বপন দেখিনি ত ? কিন্তু চেয়ে দেখি, সেই গুহ্মের শিশিটা তখনও শিয়রের কাছে রয়েছে। কি যে মনে হ'ল, সেটা বার বার মাথায় ঠেকিয়ে তবে কুলুঙ্গিতে তুলে রেখে বাইরে এলুম।

শ্বশুড়ী ঠাকরণ সেই দিন থেকে আমার ওপর যে কড়া নজর রাখছিলেন, সে আমি টের পেতুম। আমিও ভেবেছিলুম, মরুক গে, আমি কোন কথায় আর থাকব না। তা'ছাড়া দুদিন আস্তে-না-আস্তে স্বামীর খাওয়া-পরা নিয়ে ঝগড়া,—ছি ছি, লোকে শুনলেই বা বলবে কি ?

কিন্তু কবে যে এর মধ্যেই আমার মনের ওপর দাগ প'ড়ে গিয়েছিল, কবে যে তাঁর খাওয়া-পরা নিয়ে ভিতরে ভিতরে উৎসুক হয়ে উঠেছিলুম, সে আমি নিজেই জানতুম না। তাই, দুটো দিন যেতে-না-যেতেই আবার একদিন ঝগড়া ক'রে ফেললুম।

আমার স্বামীর কে একজন আড়ম্বার বন্ধু সে দিন সকালে মস্ত একটা রুইমাছ পাঠিয়েছিলেন। স্নান করতে পুকুরে যাচ্ছি, দেখি, বারান্দার ওপর সবাই জড় হয়ে কথাবার্তা হচ্ছে। কাছে এসে দাঁড়ালুম। মাছ কোটা হয়ে গেছে। মেজ-জ্ঞা তরকারি কুট্‌চেন, শ্বশুড়ী ব'লে ব'লে দিচ্ছেন ;—এটা মাছের ঝোলের কুট্‌নো,—ওটা মাছের ডালনার কুট্‌নো, এটা মাছের অস্থলের কুট্‌নো, এমনি সমস্তই প্রায়

আঁশরাই। আজ একাদশী—তঁার এবং বিধবা মেয়ের খাবার হাঙ্গামা নেই ? কিন্তু আমার স্বামীর জন্তে কোন ব্যবস্থাই দেখলুম না। তিনি বৈষ্ণব মাহুষ, মাছ-মাংস ছুঁতেন না। একটু ডা'ল, দুটো ভাজাভুজি, একটুখানি অদল হ'লেই তঁার খাওয়া হ'ত। অথচ, ভাল খেতেও তিনি ভালবাসতেন। এক আধদিন একটু ভাল তরকারি হ'লে তঁার আহলাদের সীমা থাকত না, তাও দেখেছি।

বললুম, “ওঁর জন্তে কি হ'চ্ছে মা ?”

শ্বশুড়ী বললেন, “আজ আর সময় কৈ বউমা ? তার জন্তে দুটো আলু উচ্ছে ভাতে দিতে ব'লে দিয়েছি,—তার পরে একটু দুধ দেব'খন।”

বললুম, “সময় নেই কেন মা ?”

শ্বশুড়ী বিরক্ত হয়ে বললেন, “দেখতেই ত পাচ্চ বউমা। এতগুলো আঁশ রান্না হ'তেই ত দশটা—এগারোটা বেজে যাবে। আজ আমার অধিলের (মেজ দেবর) ছ'চার জন বন্ধুবান্ধব থাকবে, তারা হ'ল সব অপিনার মাহুষ, দশটার মধ্যে খাওয়া না হ'লে পিস্তি প'ড়ে সারাদিন আর খাওয়াই হবে না। এর ওপর আবার নিরিমিষ রান্না করতে গেলে ত রাঁধুনী বাঁচে না। তার প্রাণটাও ত দেখতে হবে বাছা !”

রাগে সর্কাদ রি-রি ক'রে জ্বলতে লাগল। তবু কোনমতে আত্ম-সংবরণ ক'রে বললুম, শুধু আলু-উচ্ছে-ভাতে দিয়ে কি কেউ খেতে পারে মা ? একটুখানি ডাল রাঁধ'বারও কি সময় হ'ত না ?”

তিনি আমার মুখপানে কটমট ক'রে চেয়ে বললেন, “তোমার সঙ্গে তর্ক করতে পারিনে বাছা, আমার কাজ আছে।”

এতক্ষণ রাগ সামলেছিলুম, আর পারলুম না। ব'লে ফেললুম,

“কাজ সকলেরি আছে মা! তিনি তিরিশ টাকার কেরাগী-গিরী করেন না ব’লে কুলি-মজুর ব’লে তোমরা তুচ্ছ-তাচ্ছিল্য করিতে পারো। কিন্তু আমি ত পারিনে! আমি শুই দিয়ে তাঁকে খেতে দেব না। রাঁধুনী রাঁধতে না পারে, আমি যাচ্ছি।”

শ্বশুড়ী খানিকক্ষণ অবাক হয়ে আমার পানে চেয়ে থেকে বললেন, “তুমি ত কাল এলে বউমা, এতদিন তার কি ক’রে খাওয়া হ’ত শুনি?”

বললাম, “সে খোঁজে আমার দরকার নেই। কিন্তু কাল এলেও আমি কচি খুকী নই মা। এখন থেকে সে সব হ’তে দিতে পারবে না।” রান্না-ঘরে ঢুকে রাঁধুনীকে বললাম, “বড়বাবুর জন্তে নিরামিষ ভাল-ভালনা, অঞ্চল হবে। তুমি না পারো, একটা উল্লুন ছেড়ে দাও, আমি এসে রাঁধিচি,” ব’লে আর কোন তর্কাতর্কির অপেক্ষা না ক’রে স্নানকক্ষে চ’লে গেলুম।

স্বামীর বিছানা আমি রোজ নিজের হাতেই করতুম। এই ধপ্পে শাদা বিছানাটির উপর ভেতরে ভেতরে আমার যে একটা লোভ জন্মাচ্ছিল, হঠাৎ, এত দিনের পর আজ বিছানা করবার সময় সে কথা জানতে পেরে নিজের কাছেই যেন লজ্জায় ম’রে গেলুম।

ঘড়ীতে বারোটা বাজতে তিনি শুতে এলেন। কেন যে এত রাত পর্যন্ত জেগে ব’সে বই পড়ছিলাম, তাঁর পায়ের শব্দ সে খবর আজ এমনি স্পষ্ট ক’রে আমার কানে কানে ব’লে দিলে যে, লজ্জায় মুখ তুলে চাইতেও পারলুম না।

স্বামী বললেন, “এখনো শোওনি যে?”

স্বামী

আমি বই থেকে মুখ তুলে ঘড়ীর পানে তাকিয়ে ঘেন চমকে উঠলুম—তাই ত, বারোট্টা বেজে গেছে !

কিন্তু, যিনি সব দেখতে পান, তিনি দেখছিলেন, আমি পাচ মিনিট অন্তর ঘড়ী দেখেছি।

স্বামী শয্যায় ব'সে একটু হেসে বললেন, “আজ আবার কি হাদ্লামা বাধিয়েছিলে ?”

বললুম, “কে বললে ?”

তিনি বললেন, “সে দিন তোমাকে ত বলেছি, আমি হাত গুণতে জানি।”

বললুম, “জানলে ভালই। কিন্তু, তোমার গোয়েন্দার নাম না বল, তিনি কি কি দোষ আমার দিলেন শুনি ?”

তিনি বললেন, “গোয়েন্দা দোষ দেয়নি, কিন্তু আমি দিচ্ছি। আচ্ছা, জিজ্ঞেসা করি, এত অল্পে তোমার এত রাগ হয় কেন ?”

বললুম, “অল্প ? তুমি কি ভাবো, তোমাদের স্নায়-অগ্নায়ের বাট-খারা দিয়েই সকলের ওজন চলবে ? কিন্তু তা'ও বলছি, তুমি যে এত বল্চ, এ অত্যাচার চোখে দেখলে তোমারও রাগ হ'ত।”

তিনি আবার একটু হাসলেন ; বললেন, “আমি বোষ্টম, আমার ত নিজের উপর অত্যাচারে রাগ করতে নেই। মহাপ্রভু আমাদের পাছের মত সহিষ্ণু হ'তে বলেছেন, আর, তোমাকেও এখন থেকে তাই হ'তে হবে।”

“কেন, আমার অপরাধ ?”

“বৈষ্ণবের স্ত্রী, এই মাত্র তোমার অপরাধ।”

বল্লুম, “তা’ হ’তে পারে, কিন্তু, গাছের মত অন্ডায় সহ্য করা আমার কাজ নয়, তা সে যে প্রভুই আদেশ করুন। তা ছাড়া, যে লোক ভগবান্ পর্য্যন্ত মানে না, তার কাছে আবার মহাপ্রভু কি?”

স্বামী হঠাৎ যেন চমকে উঠলেন; বললেন, “কে ভগবান্ মানে না? তুমি?”

বল্লুম, “হাঁ, আমি।”

তিনি বললেন, “ভগবান্ মান না কেন?”

বল্লুম, “নেই ব’লে মানিনে। মিথ্যে র’লে মানিনে।”

আমি লক্ষ্য করে দেখছিলাম, আমার স্বামীর হাসিমুখখানি ধীরে ধীরে স্তান হয়ে আসছিল, এই কথার পরে সে মুখ একেবারে যেন ছাইয়ের মত শাদা হয়ে গেল। একটুখানি চুপ করে থেকে বললেন, “শুনছিলাম, তোমার মামা না কি নিজেকে নাস্তিক বলতেন—”

আমি মাঝখানেই ভুল শুধরে দিয়ে বল্লুম, “না, তিনি নিজেকে নাস্তিক বলতেন না, agnostic বলতেন।”

স্বামী বিস্মিত হয়ে জিজ্ঞাসা করলেন, “সে আবার কি?”

আমি বল্লুম, “agnostic তারা, যারা ঈশ্বর আছেন বা নেই—কোন কথাই বলে না।”

কথাটা শেষ না হ’তেই স্বামী ব’লে উঠলেন, “থাক, এ সব আলোচনা। আমার সামনে তুমি কোন দিন আর এ কথা মুখে এনো না।”

তবুও তর্ক করতে যাচ্ছিলাম, কিন্তু হঠাৎ তাঁর মুখপানে চেয়ে আর আমার মুখে কথা যোগালো না। ভগবানের ওপর তাঁর অচলা বিশ্বাস

স্বামী

আমি জানতুম, কিন্তু, কোন মানুষ যে আর এক জনের মুখ থেকে তাঁর অস্বীকার শুনলে এত ব্যথা পেতে পারে, এ ধারণাই আমার ছিল না। এই নিয়ে আমার বসবার ঘরে অনেক তর্ক নিজেও করেছি, অপরকেও করতে শুনিয়েছি, রাগা-রাগি হয়ে যেতে বহুবার দেখেছি, কিন্তু এমন বেদনায় বিবর্ণ হয়ে যেতে কাউকে দেখিনি। আমি নিজেও ব্যথা বড় কম পেলুম না, কিন্তু কোন তর্ক না করে এ ভাবে আমার মুখ বন্ধ করে দেওয়ায় অপमानে আমার মাথা হেঁট হয়ে গেল। কিন্তু ভাবি, আমার অপমানের পালার্টা এর ওপর দিয়েই কেন সে দিন শেষ হ'ল না।

যে মাদুরটা পেতে আমি নীচে শুতুম, সেটা ঘরের কোণে গুটোনে রাখত; আজ কে যে সরিয়ে রেখেছিল, বলতে পারিনে। খুঁজে পাচ্ছি নে দেখে তিনি নিজে বিছানা থেকে একটা তোষক তুলে বললেন, “আজ এইটে পেতে শোও। এত রাত্রে কোথা আর খুঁজে বেড়াবে বল!”

তাঁর কণ্ঠস্বরে বিক্রপ-ব্যঙ্গের লেশমাত্র ছিল না। তবুও কথাটা যেন অপমানের শূল হয়ে আমার বুকে বিঁধল। রোজ ত আমি নীচেই শুই। সামান্য একখানা মাদুর পেতে যেমন তেমন ভাবে রাত্রিযাপন করাটাই ত ছিল আমার সব চেয়ে বড় গর্ব। কিন্তু স্বামীর ছোট্ট দুটি কথায় যে আজ আমার সেই গর্ব ঠিক তত বড় লাজ্জনায় রূপান্তরিত হয়ে দেখা দেবে, এ কে ভেবেছিল?

অগ্রজ শোবার উপকরণ স্বামীর হাত থেকেই হাত পেতে নিলুম, কিন্তু শোবা-মাত্রই কান্নার ঢেউ যেন আমার গলা পর্যন্ত ফেনিয়ে উঠল। জানিনে, তিনি শুনতে পেয়েছিলেন কি না। সকাল হ'তে না হতেই

তাড়াতাড়ি বিছানা তুলে ঘর থেকে পালাবার চেষ্টা কর্চি, তিনি ডেকে বল্লেন, “আজ এত ভোরে উঠলে যে?”

বল্লুম, “ঘুম ভেঙে গেল, তাই বাইরে যাচ্ছি।”

বল্লেন, “একটা কথা আমার শুনবে?”

রাগে, অভিমানে সর্কাদ্ধ ভরে গেল, বল্লুম, “তোমার কথা কি আমি শুনিনে?”

আমার মুখপানে চেয়ে তিনি একটু হেসে বল্লেন, “শোন; আচ্ছা, তা’হলে কাছে এস, বলি।”

বল্লুম, “আমি ত কালো নই, এখানে দাঁড়িয়েই শুনতে পাব।”

“পাবে না গো, পাবে না,” বলেই তিনি হঠাৎ স্তম্ভে বুক পড়ে আমার হাতটা ধরে ফেল্লেন। আমি জোর করে ছাড়াতে গেলুম, কিন্তু তাঁর সঙ্গে পারব কেন, একেবারে বৃকের কাছে টেনে নিয়ে হাত দিয়ে জোর করে আমার মুখ তুলে ধরে বল্লেন, “যারা ভগবান্ মানে, তারা কি বলে জানো? তারা বলে, স্বামীর কাছে কিছুতে মিথ্যে বলতে নেই।”

আমি বল্লুম, “কিন্তু যারা ভগবান্ মানে না, তারা বলে, কারও কাছেই মিথ্যে বলতে নেই।”

স্বামী হেসে বল্লেন, “বটে! কিন্তু তাই যদি হয়, অত বড় মিথ্যে কথাটা কাল কি করে মুখে আনলে বল ত? কি করে বল্লে, ভগবান্ ভূমি মানো না?”

হঠাৎ মনে হ’ল, এত আশা করে বুঝি কেউ কখনো কারও সঙ্গে কথা কয়নি। তাই, বলতে মুখে বাধতে লাগল, কিন্তু, তবু ত পোড়া

স্বামী

অহঙ্কার গেল না, ব'লে ফেললুম, “ভগবান্ মানি বললেই বুঝি সত্যি কথা বলা হ'ত ? আমাকে আটকে রাখলে কেন ? আর কোন কথা আছে ?”

তিনি শ্রানমুখে আস্তে আস্তে বললেন, “আর একটা কথা—মায়ের কাছে আজ মাপ চেয়ো।”

আমার সর্বদা রাগে জ্বলে উঠল ; বললুম, “মাপ চাওয়াটা কি ছেলেখেলা, না, তার কোন অর্থ আছে ?”

স্বামী বললেন, “অর্থ তার এই যে, সেটা তোমার কর্তব্য।”

বললুম, “তোমাদের ভগবান্ বুঝি বলেন, যে নিরপরাধ, সে গিয়ে অপরাধীর নিকট ক্ষমা চেয়ে কর্তব্য করুক ?”

স্বামী আমাকে ছেড়ে দিয়ে আমার মুখের পানে ঋনিকক্ষণ চুপ ক'রে চেয়ে রইলেন। তার পরে ধীরে ধীরে বললেন, ভগবানের নাম নিয়ে তামাসা করতে নেই, এ কথা ভবিষ্যতে কোন দিন আর যেন মনে ক'রে দিতে আমায় না হয়। আমি তর্ক করতে ভালবাসিনে,—মায়ের কাছে মাপ চাইতে না পারো, তাঁর সঙ্গে আর কখনও বিবাদ করতে যেয়ো না।”

বললুম, “কেন শুনতে পাইনে ?”

তিনি বললেন, “না। নিষেধ করা আমার কর্তব্য, তাই নিষেধ ক'রে দিলুম।” এই ব'লে তিনি বাইরে যাবার জন্তে উঠে দাঁড়ালেন। আমি আর সইতে পারলুম না, বললুম, “কর্তব্যজ্ঞানটা তোমাদেরই যদি এত বেশী, সে কি আর কারও নেই ? আমিও ত মানুষ, বাড়ীর মধ্যে আমারও ত একটা কর্তব্য আছে ? তা যদি তোমাদের ভাল না লাগে,

আমাকে বাপের বাড়ী পাঠিয়ে দাও। থাকলেই বিবাদ হবে, এ নিশ্চয় বলে দিচ্ছি।”

তিনি ফিরে দাঁড়িয়ে বললেন, “তা’হলে গুরুজনের সঙ্গে বিবাদ করাই বুঝি তোমার কর্তব্য? সে যদি হয়, যে দিন ইচ্ছে বাপের বাড়ী যাও, আমাদের কোন আপত্তি নেই।”

স্বামী চ’লে গেলেন, আমি সেইখানেই ধপ্ ক’রে ব’সে পড়লুম। মুখ দিয়ে শুধু আমার বার হ’ল, ‘হায় রে! যার জন্তে চুরি করি, সেই বলে চোর!’

সমস্ত সকালটা যে আমার কি ক’রে কাটলো, সে আমিই জানি। কিন্তু দুপুর বেলা স্বামীর মুখ থেকেই যে কথা শুনলুম, তাতে বিশ্বাসের আর অবধি রইল না।

থেতে বসিয়ে শ্বাশুড়ী বললেন, “কাল তোমাকে বলিনি বাছা, কিন্তু এ বউ নিয়ে ত আমি ঘর করতে পারিনে ঘনশ্যাম। কালকের কাণ্ড ত শুনেচ?”

স্বামী বললেন, “শুনেচি মা!”

শ্বাশুড়ী বললেন, “তা হ’লে যা হোক, এর একটা ব্যবস্থা কর।”

স্বামী একটুখানি হেসে বললেন, “ব্যবস্থা করার মালিক ত তুমি নিজেই মা।”

শ্বাশুড়ী বললেন, “তা কি আর পারিনে বাছা, একদিনেই পারি। এত বড় ধাড়ি মেয়ে আমার ত বিয়ে দিতেই ইচ্ছে ছিল না। শুধু—”

স্বামী বললেন, “সে কথা ভেবে আর লাভ কি মা! আর ভালমন্দ

স্বামী

যাই হোক, বাড়ীর বড় বৌকে ত আর ফেলতে পারবে না ! ও চায় আমি একটু ভালো থাই-দাই। ভাল, সে ব্যবস্থাই কেন ক'রে দাও না মা !”

শ্বশুড়ী বললেন, “অবাক্ করুলি ঘনশ্যাম। আমি কি ভালমন্দ খেতে দিতে জানিনে যে, আজ ও এসে আমাকে শিখিয়ে দেবে ? আর তোমারই বা দোষ কি বাবা ! অত বড় বৌ যে দিন ঘরে এসেচে, সেই দিনই জানতে পেরেচি, সংসার এবার ভাঙল। তা বাছা, আমার গিন্নীপনায় আর না যদি চলে, ওঁর হাতেই না হয় ভাঁড়ারের চাবি দিচ্ছি। কৈ গা, বড় বউমা, বেরিয়ে এসো গো, চাবি নিয়ে যাও”—ব'লে শ্বশুড়ী ঝানাং ক'রে চাবির গোছাটা রান্নাঘরে দাওয়ার ওপর ফেলে দিলেন।

স্বামী আর একটি কথাও কইলেন না ; মুখ বুজে ভাত খেয়ে বাইরে যাবার সময় বলতে বলতে গেলেন, “সব মেয়েমাছেরই ঐ এক রোগ, কাকেই বা কি বলি !”

আমার বুকের মধ্যে যেন আহ্লাদের জোয়ার ডেকে উঠল। আমি কেন যে রগড়া করেচি, তা' উনি জানতে পেরেছেন, এই কথাটা শতবার মুখে আবৃত্তি ক'রে সহস্র রকমে মনের মধ্যে অহুভব করতে লাগলুম। সকালের সমস্ত ব্যথা আমার যেন ধুয়ে মুছে গেল।

এখন কতবার মনে হয়, ছেলেবেলা থেকে কাজের অকাজের কত বই পড়ে কত কথাই ত শিখেছিলুম, কিন্তু এ কথাটা কোথাও যদি শিখতে পেতুম, পৃথিবীতে তুচ্ছ একটি কথা শুছিয়ে না বলবার দোষে ছোট্ট একটি কথা মুখ ফুটে না বলবার অণরাধে, কত শত ঘর-সংসারই

না ছারখার হয়ে যায়। হয় ত, তা' হলে এ কাহিনী লেখবার আজ আবশ্যকই হ'ত না।

তাই ত বার বার বলি, ওরে হতভাগী! এত শিখেছিলি, এটা শুধু শিখিস্নে, মেয়েমানুষের কার মানে মান! কার হত্যাদরে তোদের মানের অট্টালিকা তাসের অট্টালিকার মতই এক নিমিষে একটা ফুঁয়ে ধূলিসাৎ হয়ে যায়!

তবে, তোর কপাল পুড়বে না ত আর পুড়বে কার! সমস্ত সন্ধ্যাবেলাটা ঘরে থিল দিয়ে যদি সাজ-সজ্জাই করুলি, অসময়ে ঘুমের ভান ক'রে যদি স্বামীর পালকের একধারে গিয়ে শুতেই পারুলি, তাঁকে একটা সাড়া দিতেই কি তোর এমন কণ্ঠরোধ হ'ল? তিনি ঘরে ঢুকে বিদায়, সন্ধ্যাচে বার বার ইতস্ততঃ ক'রে যখন বেরিয়ে গেলেন, একটা হাত বাড়িয়ে তাঁর হাতটা ধ'রে ফেলতেই কি তোর হাতে পক্ষাঘাত হ'ল? সেই ত সারারাত্রি ধ'রে মাটিতে প'ড়ে প'ড়ে কাঁদলি, একবার মুখ ফুটে বলতেই কি শুধু এত বাধা হ'ল যে, আচ্ছা, তুমি তোমার বিছানাতে এসে শোও, আমি আমার ভূমি-শয্যাতেই না হয় ফিরে যাচ্ছি।

অনেক বেলায় যখন ঘুম ভাঙল, মনে হ'ল যেন জর হয়েছে। উঠে বাইরে যাচ্ছি, স্বামী এসে ঘরে ঢুকলেন। আমি মুখ নীচু ক'রে একপাশে দাঁড়িয়ে রইলুম, তিনি বললেন, “তোমাদের গ্রামের নরেন বাবু এসেছেন।”

বুকের ভেতরটায় ধক ক'রে উঠল!

স্বামী বলতে লাগলেন, “আমাদের নিখিলের তিনি কলেজের বন্ধু। চিতোর বিলে হাঁস শীকার করবার জন্তে কলকাতায় থাকতে সে বুঝি

স্বামী

কবে নেমস্তন্ন ক'রে এসেছিল, তাই এসেছেন। তুমিও ত তাঁকে বেশ চেনো, না ?”

উঃ—মানুষের স্পর্ধার কি একটা সীমা থাকতেও নেই !

ঘাড় নেড়ে জানালুম, আছে। কিন্তু, ঘৃণায় লজ্জায় নথ থেকে চুল পর্য্যন্ত আমার তেতো হয়ে গেল।

স্বামী বললেন, “তোমার প্রতিবেশীর আদর-যত্নের ভার তোমাকেই নিতে হবে।”

শুনে এমনি চমকে উঠলুম যে, ভয় হ'ল, হয় ত আমার চমকটা তাঁর চোখে পড়েচে। কিন্তু এ দিকে তাঁর দৃষ্টি ছিল না। বললেন, “কাল রাত্রি থেকেই মায়ের বাতটা ভয়ানক বেড়েচে। এ দিকে নিখিলও বাড়ী নেই, অখিলকেও তার আফিস করতে হবে।”

মুখ নীচু কোরে কোন মতে বললুম, “তুমি ?”

“আমার কিছুতে থাকবার ঘো নেই। রায়গঞ্জে পাট কিনতে না গেলেই নয়।”

“কখন ফিরবে ?”

“ফিরতে আবার কা'ল এই সময়। রাত্রিটা সেখানেই থাকতে হবে।”

“তা হ'লে আর কোথাও তাঁকে যেতে বল। আমি বউ-মানুষ, শ্বশুরবাড়ীতে তাঁর সামনে বা'র হ'তে পারব না।”

স্বামী বললেন, “ছি, তা কি হয় ! আমি সমস্ত ঠিক ক'রে দিয়ে যাচ্ছি, তুমি সামনে না বা'র হও, আড়াল থেকে গুছিয়ে গাছিয়ে দিয়ে।” এই ব'লে তিনি বাইরে চ'লে গেলেন।

সেই দিন পাঁচমাস পরে আবার নরেনকে দেখলুম। হুপুরবেলা সে খেতে বসেছিল, আমি রান্নাঘরের দোরের আড়ালে বসে কিছুতেই চোখের কৌতূহল থামাতে পারলুম না। কিন্তু চাইবামাত্রই আমার সমস্ত মনটা এমন একপ্রকার বিতুষায় ভরে গেল যে, সে পরকে বোঝানো শক্ত। মস্ত একটা তেঁতুলবিছে এঁকেবেঁকে চলে যেতে দেখলে সর্বাঙ্গ যেমন কোরে ওঠে, অথচ যতক্ষণ সেটা দেখা যায়, চোখ ফিরতে পারা যায় না, ঠিক তেমনি কোরেই আমি নরেনের পানে চেয়ে রইলুম। ছি ছি, ওর ওই দেহটাকে কি কোরে যে একদিন ছুঁয়েচি, মনে পড়তেই সর্কশরীরে কাঁটা দিয়ে মাথার চুল পর্যন্ত আমার খাড়া হয়ে উঠল।

খেতে খেতে সে মাঝে মাঝে চোখ তুলে চারিদিকে কি যে খুঁজছিল, সে আমি জানি। আমাদের রাধুনী কি একটা তরকারি দিতে গেলে, সে হঠাৎ যেন ভারি আশ্চর্য হয়ে জিজ্ঞাসা করলে, “ই! গা, তোমাদের বড় বৌ যে বড় বেরুলো না?”

রাধুনী জানত যে, ইনি আমাদের বাপের বাড়ীর লোক—গ্রামের জমিদার। তাই বোধ করি, খুসী করবার জন্তই হাসির ভঙ্গীতে একঝুড়ি মিথ্যে কথা বলে তার মন জোগালে। বললে, “কি জানি বাবু, বড় বৌমার ভারি লজ্জা—নইলে, তিনিই ত আপনার জন্তে আজ নিজে রাধলেন। রান্নাঘরে বসে তিনিই ত আপনার সব খাবার এগিয়ে গুছিয়ে দিচ্ছেন। লজ্জা কোরে কিন্তু কম-যম খাবেন না বাবু, তা’হলে তিনি বড্ড রাগ করবেন, আমাকে বলে দিলেন।”

মানুষের সন্নতানীর অন্ত নেই, দুঃসাহসেরও অবধি নেই। সে স্বচ্ছন্দে

আমী

স্নেহের হাসিতে মুখখানা রান্নাঘরের দিকে তুলে চোঁচিয়ে বললে, “আমার কাছে তোরা আবার লজ্জা কি রে সচু? আয় আয়, বেরিয়ে আয়। অনেক দিন দেখিনি, একবার দেখি।”

কাঠ হয়ে সেই দরজা ধ’রে দাঁড়িয়ে রইলুম। আমার মেজ জা’ও রান্নাঘরে ছিল, ঠাট্টা ক’রে বললে, “দিদির সবতাতেই বাড়াবাড়ি। পাড়ার লোক, ভাইয়ের মত—বিয়ের দিন পর্যন্ত সাম্নে বেরিয়েচ, কথা কয়েচ, আর আজই যত লজ্জা! একবার দেখতে চাচ্ছেন, যাও না।”

এর আর জবাব দেব কি?

বেলা তখন ছোটো আড়াইটে, বাড়ীর সবাই যে যার ঘরে শুয়েচে, চাকরটা এসে বাইরে থেকে বললে, “বাবু পান চাইলেন মা।”

“কে বাবু?”

“নরেন বাবু।”

“তিনি শীকার করতে যান্নি?”

“কই না, বৈঠকখানায় শুয়ে আছেন যে।”

তা’হলে শীকারের ছলটাও মিথ্যে!

পান পাঠিয়ে দিয়ে জ্ঞানালায় এসে বসলুম। এ বাড়ীতে আসা পর্যন্ত এই জানালাটিই ছিল আমার সব চেয়ে প্রিয়। নীচেই ফুল-বাগান, এক ঝাড় চামেলী ফুলের গাছ দিয়ে সম্মুখটা ঢাকা; এখানে বসলে বাইরের সমস্ত দেখা যায়; কিন্তু বাইরে থেকে কিছুই দেখা যায় না।

আমি মাহুষের মনের এই বড় একটা অভূত কাণ্ড দেখি যে, যে বিপদটা হঠাৎ তার ঘাড়ে এসে পোড়ে তাকে একান্ত অস্থির ও উদ্ভিন্ন

ক'রে দিয়ে যায়, অনেক সময়ে সে তাকেই একপাশে ঠেলে দিয়ে একটা তুচ্ছ কথা চিন্তা করতে ব'সে যায়। বাইরে পান পাঠিয়ে দিয়ে আমি নরেনের কথাই ভাবতে বসেছিলুম সত্যি, কিন্তু, কখন কোন্ ফাঁকে যে আমার স্বামী এসে আমার সমস্ত মন জুড়ে ব'সে গিয়েছিলেন, সে আমি টেরও পাইনি।

আমার স্বামীকে আমি যত দেখেছিলুম, ততই আশ্চর্য্য হয়ে যাচ্ছিলুম। সব চেয়ে আশ্চর্য্য হতুম—তঁার ক্ষমা করবার ক্ষমতা দে'খে। আগে আগে মনে হ'ত, এ তাঁর দুর্বলতা, পুরুষত্বের অভাব। শাসন করবার সাধ্য নেই ব'লেই ক্ষমা করেন। কিন্তু যত দিন যাচ্ছিল, ততই টের পাচ্ছিলেম, যেমন বুদ্ধিমান, তেমন দৃঢ়। আমাকে যে তিনি ভেতরে ভেতরে কত ভালবেসেচেন, সে'ত আমি অসংশয়ে অনুভব করতে পারি, কিন্তু, সে ভালবাসার ওপর এতটুকু জোর খাটাবার সাহস আমার ত হয় না।

একদিন কথায় কথায় বলেছিলুম, “আচ্ছা, তুমিই ত বাড়ীর সর্ব্বস্ব, কিন্তু, তোমাকে যে বাড়ীশুদ্ধ সবাই অযত্ন অবহেলা করে, এমন কি, অত্যাচার করে এ কি তুমি ইচ্ছে করলে শাসন ক'রে দিতে পার না?”

তিনি হেসে জবাব দিয়েছিলেন, “কৈ, কেউ ত অযত্ন করে না।”

কিন্তু আমি নিশ্চয় জানতুম, কিছুই তাঁর অবিদিত ছিল না।

বললুম, “আচ্ছা, যত বড় দোষই হোক, তুমি কি সব মাপ করতে পারো?”

তিনি তেমন হাসিমুখে বললেন, “যে সত্যি ক্ষমা চায়, তাকে করতেই হবে—এ যে আমাদের মহাপ্রভুর আদেশ গো।”

স্বামী

তাই এক-একদিন চূপ ক'রে ব'সে ভাবতুম, ভগবান্ যদি সত্যিই নেই, তা'হলে এত শক্তি, এত শান্তি ইনি পেলেন কোথায়? এই যে আমি জীব কৰ্ত্তব্য একদিনের জন্তে করিনে, তবু ত তিনি কোন দিন স্বামীর জোর নিয়ে আমার অমর্যাদা অপমান করেন না!

আমাদের ঘরের কুলুঙ্গিতে একটি শ্বেত-পাথরের গৌরান্বিত মূর্তি ছিল, আমি কত রাত্রে ঘুম ভেঙ্গে দেখেছি, স্বামী বিছানার উপর শুক হয়ে ব'সে একদৃষ্টে তাঁর পানে চেয়ে আছেন, আর দুচক্ষু বয়ে অশ্রুর ধারা বয়ে যাচ্ছে। সময়ে সময়ে তাঁর মুখ দেখে আমারও যেন কান্না আসত; মনে হ'ত, 'অমনি ক'রে একটা দিনও কাঁদতে পারলে বুঝি মনের অন্ধক বৈদনা ক'মে যাবে। পাশের কুলুঙ্গিতে তাঁর খানকয়েক বড় আদরের বই ছিল, তাঁর দেখাদেখি আমিও মাঝে মাঝে পড়তুম। লেখাগুলো যে আমি সত্যি ব'লে বিশ্বাস করতুম, তা নয়, তবুও, এমন কত দিন হয়েছে, কখন পড়ার মন লেগে গেছে, কখন বেলা বয়ে গেছে, কখন দু ফোঁটা চোখের জল গড়িয়ে গালের ওপর শুকিয়ে আছে, কিছুই ঠাণ্ডর পাই নি। কত দিন হিংসে পর্যন্ত হয়েছে, তাঁর মত আমিও যদি এগুলি সমস্ত সত্যি ব'লেই ভাবতে পারতুম!

কিছু দিন থেকে আমি বেশ টের পেতুম, কি একটা ব্যথা যেন প্রতিদিনই আমার বুকের মধ্যে জমা হয়ে উঠছিল। কিন্তু কেন, কিসের জন্তে, তা' কিছুতে হাতড়ে পেতাম না। শুধু মনে হ'ত, আমার যেন কেউ কোথাও নেই। ভাবতুম, মায়ের জন্তেই বুঝি ভেতরে ভেতরে মন কেমন করে, তাই কত দিন ঠিক করেছি, কালই পাঠিয়ে দিতে বোলব, কিন্তু ঘাই মনে হ'ত, এই ঘরটি ছেড়ে আর কোথাও যাচ্ছি,

অমনি সমস্ত সংকল্প কোথায় যে ভেসে যেত, তাঁকে মুখ ফুটে বলাও হ'ত না।

মনে করলুম, যাই, ক্লুপি থেকে বইখানা এনে একটু পড়ি। আজ-কাল এই বইখানি হয়েছিল আমার অনেক ছুঃখের সাক্ষ্য। কিন্তু, উঠতে গিয়ে হঠাৎ আঁচলে একটা টান পড়তেই ফিরে চেয়ে নিজের চক্ষুকেই যেন বিশ্বাস হ'ল না। দেখি, আমার আঁচল ধ'রে জানালার বাইরে দাঁড়িয়ে নরেন। একটু হলেই টেঁচিয়ে ফেলেছিলুম আর কি! সে কখন এসেচে, কতক্ষণ এ ভাবে দাঁড়িয়ে আছে, কিছুই জানতে পারিনি। কিন্তু কি ক'রে যে সে দিন আপনাকে সামলে ফেলেছিলুম, আমি আজও ভেবে পাইনে। ফিরে দাঁড়িয়ে জিজ্ঞেস করলুম, “এখানে এসেচ কেন? শীকার ক'রতে?”

নরেন বললে, “বোস, বল্চি।”

আমি জানালার ওপর ব'সে প'ড়ে বললুম, “শীকার ক'রতে যাওনি কেন?”

নরেন বললে, “ঘনশ্যাম বাবুর জুকুম পাইনি। যাবার সময় ব'লে গেলেন, আমরা বৈষ্ণব, আমাদের বাড়ী থেকে জীবহত্যা করা নিষেধ।”

চক্ষুর নিমিষে স্বামী-গর্বে আমার বুকখানা ফুলে উঠল। তিনি কোন কর্তব্যই ভোলেন না, সে দিকে তাঁর একবিন্দু দুর্বলতা নেই। মনে মনে ভাবলুম, এ লোকটা দেখে যাক, আমার স্বামী কত বড়!

বললুম, “তা হ'লে বাড়ী ফিরে গেলে না কেন?”

সে লোকটা গরাদের ফাঁক দিয়ে খপ্ ক'রে আমার হাতটা চেপে

স্বামী

ধ'রে বল্লে, “সত্ৰ, টাইকয়েড জরে মরতে মরতে বেঁচে উঠে যখন শুনলুম, তুমি পরের হয়েচ, আর আমার নেই, তখন বার বার ক'রে বললুম, ভগবান্, আমাকে বাঁচালে কেন? তোমার কাছে আমি এই-টুকু বয়সের মধ্যে এমন কি পাপ করেছি—যার শাস্তি দেবার জন্তে আমাকে বাঁচিয়ে রাখলে!”

বল্লে, “তুমি ভগবান্ মানো?”

নরেন খতমত খেয়ে বলতে লাগল, “না—হাঁ—না, মানিনে—কিন্তু, সে সময়ে কি জানে—”

“থাক্ গে,—তার পরে?”

নরেন ব'লে উঠল, “উঃ—সে আমার কি দিন, যে দিন শুনলুম, তুমি আমারই আছো,—শুধু নামেই অগ্নের, নইলে আমারই চিরকাল, শুধু আমারই। আজও একদিনের জন্তে আর কারও শয্যায় রাত্রি—”

“ছি ছি, চুপ করো, চুপ করো! কিন্তু, কে তোমাকে এ খবর দিলে? কার কাছে শুনলে?”

“তোমাদের যে দাসী ৩৪ দিন হ'ল বাড়ী যাবার নাম ক'রে চ'লে গেছে, যে—”

“মুক্ত কি তোমার লোক ছিল?” ব'লে জোর ক'রে তার হাত ছাড়াতে গেলুম, কিন্তু, এবারেও সে তেমনি সজোরে ধ'রে রাখলে। তার চোখ দিয়ে ফোঁটা দুই জলও গড়িয়ে পড়ল। বল্লে, “সত্ৰ, এমনি কোরেই কি আমাদের জীবনের শেষ হবে? এমন অস্থখে না পড়লে আজ কেউ ত আমাদের আলাদা ক'রে রাখতে পারত না! যে অপরাধ আমার নিজের নয়, তার জন্তে কেন এত বড় শাস্তি ভোগ করব? লোকে

ভগবান্, ভগবান্ করে, কিন্তু, তিনি সত্যি থাকলে কি বিনাদোষে এত বড় সাজা আমাদের দিতেন? কখনও না। তুমিই বা কিসের জন্তে একজন অজানা-অচেনা, মুখ্য লোকের—”

“থাক, থাক, ও কথা থাক।”

নরেন চমকে উঠে বললে, “আচ্ছা থাক। কিন্তু, যদি জানতুম, তুমি স্ত্রী আছ, স্ত্রী হয়েচ, তা হ’লেও হয় ত একদিন মনকে সান্ত্বনা দিতে পারতুম, কিন্তু কোন সম্ভলই যে আমার হাতে নেই—আমি বাঁচব কি কোরে?”

আবার তার চোখে জল এসে পড়ল। এবার সে আমার হাতটাই টেনে নিয়ে তার নিজের চোখের জল মুছে বললে, “এমন কোন সভ্য-দেশ পৃথিবীতে আছে—যেখানে এত বড় অত্যাচার হ’তে পারত! মেয়ে-মানুষ ব’লে কি তার প্রাণ নেই, তার ইচ্ছের বিরুদ্ধে বিয়ে দিয়ে এমন ক’রে তাকে সারাজীবন দগ্ধ করবার অধিকার সংসারে কার আছে? কোন্ দেশের মেয়েরা ইচ্ছে করলে এমন বিয়ে লাখি মেয়ে ভেঙে দিয়ে যেখানে খুলী চ’লে যেতে না পারে?”

এ সব কথা আমি সমস্তই জানতুম। আমার মামার ঘরে নব্য যুগের সাম্য-মৈত্রী-স্বাধীনতার কোন আলোচনাই বাকি ছিল না। আমার বুকের ভেতরটা কেমন যেন ছলতে লাগল। বললুম, “তুমি আমাকে কি করতে বল?”

নরেন বললে, “আমি তোমাকে কোন কথাই বলব না। এইটুকু শুধু জানিয়ে যাবো যে, মরণের গ্রাস থেকে উঠে পর্যন্ত আমি এই আজকের দিনের প্রতীক্ষা ক’রেই পথ চেয়ে ছিলাম। তার পরে হয় ত

স্বামী

একদিন শুনতে পাবে, যেখান থেকে উঠে এসেছি, তার কাছেই ফিরে চ'লে গেছি। কিন্তু তোমার কাছে এই আমার শেষ নিবেদন রইল, সহ, বেঁচে থাকতে যখন কিছুই পেলুম না, মরণের পরে যেন ঐ চোখের দু ফোঁটা জল পাই। আত্মা ব'লে যদি কিছু থাকে, তার তাতেই ভূমি হবে।”

আমার হাতটা তার হাতের মধ্যেই রইল,—চুপ ক'রে ব'সে রইলুম। এখন ভাবি, সে দিন যদি ঘুগাঘ্রেও জানতুম, মাছঘের মনের দাম এই, একে একেবারে উণ্টো ধারায় বইয়ে দিতে এইটুকু মাত্র সময় এতটুকু মাত্র মাল-মসলার প্রয়োজন, তা হ'লে যেমন কোরে হোক, সে দিন তার হাত ছাড়িয়ে নিয়ে আমি জানালা বন্ধ ক'রে দিতুম, কিছুতে তার একটা কথাও কানে ঢুকতে দিতুম না। কটা কথা, ক ফোঁটা চোখের জলই বা তার খরচ হয়েছিল? কিন্তু নদীর প্রচণ্ড স্রোতে পাতা শুদ্ধ শরগাছ যেমন কোরে কাঁপতে থাকে, তেমনি কোরে আমার সমগ্র দেহটা কাঁপতে লাগল, মনে হ'তে লাগল নরেন যেন কোন অদ্ভুত কৌশলে আমার পাঁচ আঙ্গুলের ভেতর দিয়ে, পাঁচশ বিছাতের ধারা আমার সর্বাঙ্গে বইয়ে দিয়ে, আমার পায়ের নখ থেকে চুলের ডগা পর্যন্ত অবশ ক'রে আনছে। সে দিন মাঝখানের সেই লোহার গরাদেগুলো যদি না থাকত, আর সে যদি আমাকে টেনে তুলে নিয়ে পালাতো, হয় ত আমি একবার চৈচাতে পর্যন্ত পারতুম না—‘ওগো, কে আছ, আমায় রক্ষে কর।’ দুজনে কতক্ষণ এমন স্তব্ধ হয়ে ছিলুম জানিনে, সে হঠাৎ ব'লে উঠল, “সহ!”

“কেন?”

“তুমি ত বেশ জানো, আমাদের মিথ্যে শাস্ত্রগুলো শুধু মেয়েমানুষকে বেষ্টে রাখবার শেকল মাত্র ! যেমন কোরে হোক, আটকে রেখে তাদের সেবা নেবার ফন্দি ! সতীর মহিমা কেবল মেয়েমানুষের বেলা —পুরুষের বেলায় সব ফাঁকি ! আত্মা, আত্মা যে করে, সে কি মেয়ে-মানুষের দেহে নেই ? তার কি স্বাধীন সত্তা নেই ? সে কি শুধু এসেছিল পুরুষের সেবাদাসী হবার জন্তে ?”

“বউমা, বলি, কথা কি তোমাদের শেষ হবে না বাছা ?”

মাথার ওপর বাজ ভেঙে পড়লেও বোধ করি, মানুষে এমন কোরে চমকে ওঠে না, আমরা ছুজনে যেমন ক’রে চমকে উঠলুম। নরেন হাত ছেড়ে দিয়ে ব’সে পড়ল, আমি মুখ কিরিয়ে দেখলুম, বারান্দায় থোলা জানালার ঠিক স্রুখে দাঁড়িয়ে আমার স্বাশুড়ী।

বললেন, “বাছা, এ পাড়ার লোকগুলো ত তেমন সভ্য-ভব্য নয়, এমন কোরে ঘোপের মধ্যে দাঁড়িয়ে কান্না-কাটি করতে দেখলে হয় ত বা দোষের ভেবে নেবে। বলি, বাবুটিকে ঘরে ডেকে পাঠালেই ত দেখতে শুনতে সব দিকে বেশ হ’ত !”

কি একটা জবাব দিতে গেলুম, কিন্তু মুখের মধ্যে জিভটা আমার আড়ষ্ট হয়ে রইল—একটা কথাও ফুটল না।

তিনি একটুখানি হেসে বললেন, “বলতে ত পারিনে, বাছা, শুধু ভেবেই মরি, বউমাটি কেন আমার এত কষ্ট সয়ে মাটাতে শুয়ে থাকেন ! তা’ বেশ ! বাবুটি নাকি দুপুরবেলা চা খান। চা তৈরিও হয়েছে—একবার মুখ বাড়িয়ে জিজ্ঞেস কর দেখি, বউমা, চায়ের পেয়ালাটা বৈঠক-খানায় পাঠিয়ে দেব, না, ঐ বাগানে দাঁড়িয়ে দাঁড়িয়েই খাবেন ?”

আমি

উঠে দাঁড়িয়ে প্রবল চেষ্টায় তবে কথা কইতে পারলুম, বললুম, “তুমি কি রোজ এমনি কোরে আমার ঘরে আড়ি পাতো মা?”

শ্বাশুড়ী মাথা নেড়ে বললেন, “না মা, সময় পাই কোথা? সংসারের কাজ ক’রেই ত সারতে পারিনে। এই দেখ না বাছা, বাতে মরুটি, তবু চা তৈরি করতে রান্নাঘরে ঢুকতে হয়েছিল। তা এই ঘরেই না হয় পাঠিয়ে দিচ্ছি—বাবুটির আবার ভারি লজ্জার শরীর, আমি থাকলে হয় ত থাকেন না। তা যাচ্ছি আমি—” বলে তিনি ফিক্ ক’রে একটু মুচ্কে হেসে চ’লে গেলেন। এমনি মেয়েমানুষের বিদ্বেষ! প্রতিশোধ নেবার বেলায় শ্বাশুড়ী-বধূর মাছ সন্ধদের কোন উচুনীচুর ব্যবধানই রাখলেন না।

সেইখানে মেঝের ওপর চোখ বুজে শুয়ে গড়লুম—সর্বদা বয়ে ঝরু ঝরু ক’রে ঘাম ঝরে সমস্ত মাটীটা ভিজ়ে গেল।

শুধু একটা সাস্থনা ছিল, আজ তিনি আসবেন না,—আজকার রাত্রিটা অন্ততঃ চুপ্ ক’রে প’ড়ে থাকতে পাবো, তাঁর কাছে কৈফিয়ৎ দিতে হবে না।

কতবার ভাবলুম উঠে বসি, কাজকর্ম করি—যেন কিছুই হয় নি,—কিন্তু কিছুতেই পারলুম না, সমস্ত শরীর যেন থব্ থব্ করতে লাগলো!

সন্ধ্যা উত্তীর্ণ হয়ে গেল, এ ঘরে কেউ আলো দিতে এল না।

রাত্রি তখন প্রায় আটটা, সহসা তাঁর গলা বাইরে থেকে কানে আসতেই বুকের সমস্ত রক্ত-চলাচল যেন একেবারে থেমে গেল! তিনি চাকরকে জিজ্ঞেসা করছিলেন, “বন্ধু, নরেনবাবু হঠাৎ চ’লে গেলেন কেন রে?” চাকরের জবাব শোনা গেল না। তখন তিনি নিজেই বললেন, “খুব

সম্ভব শীকার করতে বারণ করেছিলুম ব'লে। তা' উপায় কি!" অন্তরে ঢুকতেই, শ্বাশুড়ী ঠাক্কণ ডেকে বল্লেন, "একবার আমার ঘরে এসো ত বাবা!"

তঁার যে এক মুহূর্ত দেৱী সহিবে না, সে আমি জানতুম। তিনি যখন আমার ঘরে এলেন, আমি কিসের একটা প্রচণ্ড নিষ্ঠুর আঘাত প্রতীক্ষা ক'রেই যেন সর্বদ্বন্দ্ব কাঠের মত শক্ত ক'রে প'ড়ে রইলুম, কিন্তু তিনি একটা কথাও বল্লেন না। কাপড়-চোপড় ছেড়ে সন্ধ্যা-আহ্নিক করতে বেরিয়ে গেলেন, যেন কিছুই হয়নি—শ্বাশুড়ী তাঁকে যেন এইমাত্র একটা কথাও বলেনি। তার পরে যথাসময়ে থাওয়া-দাওয়া শেষ ক'রে তিনি ঘরে শুতে এলেন।

সারা-রাত্রির মধ্যে আমার সঙ্গে একটা কথাও হ'ল না। সকাল-বেলা সমস্ত দ্বিধাসঙ্কোচ প্রাণপণে ঝেড়ে ফেলে দিয়ে রান্নাঘরে ঢুকতে য্যক্তি, মেজ-জা বল্লেন, "হেঁসেলে তোমার আর এসে কাজ নেই দিদি, আজ আমিই আছি।"

বল্লুম, "তুমি থাকলে কি আমাকে থাকতে নেই মেজদি?"

"কাজ কি, মা কি জন্তে বারণ ক'রে গেলেন," ব'লে তিনি যে ঘাড় ফিরিয়ে টিপে টিপে হাসতে লাগলেন, সে আমি স্পষ্ট টের পেলুম। মুখ দিয়ে আমার একটা কথাও বা'র হ'ল না—আড়ষ্ট হয়ে কিছুক্ষণ চুপ ক'রে দাঁড়িয়ে থেকে ঘরে ফিরে এলুম।

দেখলুম, বাড়ীশুদ্ধ সকলের মুখই ঘোর অন্ধকার, শুধু খাঁর মুখ সব চেয়ে অন্ধকার হবার কথা, তঁার মুখেই কোন বিকার নেই। স্বামীর নিত্য প্রসন্ন-মুখ, আজও তেমনি প্রসন্ন।

স্বামী

হায় রে, শুধু একবার গিয়ে যদি বলি, প্রভু, এই পাপিষ্ঠার মুখ থেকে তার অপরাধের বিবরণ শুনে তাকে নিজের হাতে দণ্ড দাও; কিন্তু সমস্ত লোকের এই বিচার-হীন শাস্তি আর যে সহ্য হয় না! কিন্তু সে তো কোন মতেই পারলুম না। তবুও এই বাড়ীতে এই ঘরের মধ্যেই আমার দিন কাটতে লাগল।

এ কেমন কোরে আমার দ্বারা সম্ভব হ'তে পেরেছিল, তা আজ আমি জানি। যে কাল মায়ের বুক থেকে পুত্রশোকের ভার পর্য্যন্ত হালকা ক'রে দেয়, সে যে এই পাপিষ্ঠার মাথা থেকে তার অপরাধের বোঝা লঘু ক'রে দেবে, সে আর বিচিত্র কি? যে দণ্ড একদিন মাহুষ অকাতরে মাথায় তুলে নেয়, আর একদিন তাকেই সে মাথা থেকে ফেলতে পারলে বাঁচে! কালের ব্যবধানে অপরাধের খোঁচা যত অস্পষ্ট, যত লঘু হয়ে আসতে থাকে, দণ্ডের ভার ততই গুরুতর, ততই অসহ্য হয়ে উঠতে থাকে! এই ত মাহুষের মন! এই ত তার গঠন! তাকে অনিশ্চিত সংশয়ে মরিয়া কোরে তোলে। একদিন, দুদিন ক'রে যখন সাতদিন কেটে গেল, তখন কেবলই মনে হ'তে লাগল, এতই কি দোষ করেছি যে, স্বামী একটা মুখের কথা শুনে জিজ্ঞেস না কোরে নির্বিচারে দণ্ড দিয়ে যাবেন! কিন্তু তিনি যে সকলের সঙ্গে মিলে নিঃশব্দে আমাকে পীড়ন ক'রে যাচ্ছেন, এ বুদ্ধি যে কোথায় পেয়েছিলুম, এখন তাই শুধু ভাবি।

সে দিন সকালে শুন্লুম, স্বাশুড়ী বল্‌চেন, “কিরে এলি মা মুক্ত! পাঁচদিন ব'লে কত দিন দেরি করলি বল্‌ ত বাছা?”

সে যে কেন কিরে এসেচে, তা মনে মনে বুঝলুম।

নাইতে যাকি, দেখা হ'ল। সে মুচ্কে হেসে হাতের মধ্যে একটা কাগজ গুঁজে দিলে। হঠাৎ মনে হ'ল, সে যেন এক টুকরো জলন্ত কয়লা আমার হাতের তেলোয় টিপে ধরেচে। ইচ্ছে হ'ল, তখুনি কুটি-কুটি কোরে ছিঁড়ে ফেলে দিই। কিন্তু সে যে নরেনের চিঠি! না প'ড়েই যদি ছিঁড়ে ফেলতে পারুব, তা হ'লে মেয়েমাছের মনের মধ্যে বিশ্বের সেই অফুরন্ত চিরন্তন কৌতুহল জমা হয়ে রয়েছে কিসের জগ্গে? নির্জন পুকুরঘাটে জলে পা ছড়িয়ে দিয়ে চিঠি খুলে বসলুম। অনেকক্ষণ পর্যন্ত একটা কথাও পড়তে পারলুম না। চিঠি লাল কালীতে লেখা। মনে হ'তে লাগল, তার রাঙা অক্ষরগুলো যেন একপাল কেমোর বাচ্চার মত গায়ে গায়ে জড়িয়ে কিল্-বিল্ ক'রে ন'ড়ে ন'ড়ে বেড়াচ্ছে! তার পরে পড়লুম—একবার—দুবার—তিনবার পড়লুম। তার পরে টুকরো টুকরো ক'রে ছিঁড়ে জলে ভাসিয়ে দিয়ে স্নান ক'রে ঘরে ফিরে এলুম। কি ছিল তাতে? সংসারে যা সব চেয়ে বড় অপরাধ, তাই লেখা ছিল।

দোপা এসে বল্লে, “মা ঠাকুরণ, বাবুর ময়লা কাপড় দাও।”

জামার পকেটগুলো সব দেখে দিতে গিয়ে একখানা পোষ্টকার্ড বেরিয়ে এল, হাতে তুলে দেখি, আমার চিঠি, মা লিখেচেন। তারিখ দেখলুম, পাঁচ দিন আগের, কিন্তু আজও আমি পাইনি।

প'ড়ে দেখি সর্বনাশ! মা লিখেচেন, শুধু রান্না-ঘরটি ছাড়া আর সমস্তই পুড়ে ভস্মনাৎ হয়ে গেছে। এই ঘরটির মধ্যে কোন মতে সবাই মাথা গুঁজে আছেন।

ছুতোখ জ্বালা করতে লাগল, কিন্তু এক ফোঁটা জল বেরুল না। কত-

স্বামী

ক্ষণ যে এ ভাবে ব'সে ছিলাম, জানিনে, ধোপার চাঁৎকারে আবার সজাগ হয়ে উঠলাম। তাড়াতাড়ি তাকে কাপড়গুলো ফেলে দিয়ে বিছানায় এসে শুয়ে পড়লাম। এইবার চোখের জলে বালিস ভিজ়ে গেল। কিন্তু এই কি তাঁর দৈবপরায়ণতা! আমার মা গরীব, একবিন্দু সাহায্য করতে অহরোধ করি, এই ভয়ে চিঠিখানা পর্যন্ত আমাকে দেওয়া হয়নি। এত বড় ক্ষুদ্রতা আমার নাস্তিক মামার দ্বারা কি কখনো সম্ভব হ'তে পারত!

আজ তিনি ঘরে আসতেই কথা কইলাম। বললাম, “আমাদের বাড়ী পুড়ে গেছে?”

তিনি মুখপানে চেয়ে বললেন, “কোথায় শুনলে?”

গায়ের ওপর পোষ্টকার্ডখানা ছুঁড়ে ফেলে দিয়ে জবাব দিলাম, “ধোপাকে কাপড় দিতে তোমারই পকেট থেকে পেলুম। দেখ, আমাকে নাস্তিক ব'লে তুমি ঘৃণা কর জানি, কিন্তু যারা লুকিয়ে পরের চিঠি পড়ে, আড়ালে গোয়েন্দাগিরি ক'রে বেড়ায়, তাদের আমরাও ঘৃণা করি। তোমার বাড়ীশুদ্ধ লোকেরই কি এই ব্যবসা?”

যে লোক নিজে অপরাধে মগ্ন হয়ে আছে, তার মুখের এই কথা! কিন্তু আমি নিঃসংশয়ে বলতে পারি, এত বড় স্পষ্টীকৃত আঘাত আমার স্বামী ছাড়া আর কেউ সহ্য করতে পারত না। মহাপ্রভুর শাসন কি অক্ষয়-কবচের মতই যে তাঁর মনটিকে অহর্নিশ ঘিরে রক্ষণ করত, আমার এমন তীক্ষ্ণ শূলও থান্ থান্ হয়ে চূর্ণ হ'য়ে প'ড়ে গেল।

একটুখানি স্নান হেসে বললেন, “কেমন অশ্রমমন্ড হয়ে প'ড়ে ফেলে-ছিলাম, সহ, আমাকে মাপ কর।”

এই প্রথম তিনি আমাকে নাম ধ'রে ডাকলেন।

বললুম, “মিথো কথা। তা' হ'লে আমার চিঠি আমাকে দিতে। কেন এ খবর লুকিয়েচ, তাও জানি।”

তিনি বললেন, “শুধু দুঃখ পেতে বই ত না। তাই ভেবেছিলুম, কিছুদিন পরে তোমাকে জানাবো।”

বললুম, “কেমন ক'রে তুমি হাত গোণো, সে আমার জানতে বাকি নেই। তুমিই কি বাড়ী শুদ্ধ সবাইকে আমার পেছনে গোয়েন্দা লাগিয়েচ? স্পাই! ইংরেজ-মহিলারা এমন স্বামীর মুখ পর্য্যন্ত দেখে না, তা জানো?”

ওরে হতভাগী! বল, বল, যা' মুখে আসে, ব'লে নে। শান্তি তোর গেছে কোথায়, সবই যে তোলা রইল!

স্বামী স্ত্রী হয়ে ব'সে রইলেন,—একটা কথারও জবাব দিলেন না। এখন ভাবি, এত ক্ষমা করতেও মাছুষে পারে!

কিন্তু আমার ভেতরে যত গ্লানি, যত অপমান এত দিন ধীরে ধীরে জমা হয়ে উঠেছিল, একবার মুক্তি পেয়ে তারা কোন মতেই আর ফিরতে চাইলে না।

একটু থেমে আবার বললুম, “আমি হৈসেলে ঢুকতে—”

তিনি একটুখানি ঘেন চমকে উঠে মাঝখানেই ব'লে উঠলেন, “উঃ, তাই বটে! তাই আমার খাবার ব্যবস্থাটা আবার—”

বললুম, “সে নালিশ আমার নয়। বাঙালীর ঘরে জন্মেচি ব'লেই যে তোমরা খুঁচে খুঁচে আমাকে তিল তিল ক'রে মারবে, সে অধিকার তোমাদের আমি কিছুতে দেব না, তা' নিশ্চয় জেনো। আমার মামার

স্বামী

বাড়ীতে এখনো ত রান্না-ঘরটা বাকী আছে, আমি তার মধ্যেই আবার ফিরে যাবো। কাল আমি যাচ্ছি।”

স্বামী অনেকক্ষণ চুপ ক’রে ব’সে থেকে বল্লেন, “যাওয়াই উচিত বটে। কিন্তু, তোমার গয়নাগুলো রেখে যেয়ো।”

শুনে অবাক হয়ে গেলুম। এত হীন, এত ছোট স্বামীর স্ত্রী আমি! পোড়া মুখে হঠাৎ হাসি এলো। বল্লুম, “সেগুলো কেড়ে নিতে চাও ত, বেশ, আমি রেখেই যাবো।”

প্রদীপের ক্ষীণ আলোতেও স্পষ্ট দেখতে পেলুম, তাঁর মুখখানি যেন শাদা হয়ে গেল। বল্লেন, “না না, তোমার কিছু গয়না আমি ভিক্ষে চাচ্ছি। আমার টাকার বড় অনাটন, তাই বাধা দেবো।”

কিন্তু এমনি পোড়াকপালী আমি যে, ও-মুখ দেখেও কথাটা বিবেচনা করতে পারলুম না। বল্লুম, “বাধা দাও, বেচে ফ্যালো, যা’ ইচ্ছে কোরো; তোমাদের গয়নার ওপর আমার এতটুকু লোভ নেই।” ব’লে, তখুনি বাস্তব খুলে আমার সমস্ত গয়না বিছানার ওপর ছুঁড়ে ফেলে দিলুম। যে দুগাছি বালা মা দিয়েছিলেন, সেই দুটি ছাড়া গা থেকে পর্যন্ত সমস্ত গয়না খুলে ফেলে দিলুম। তাতেও তৃপ্তি হ’ল না, বেনারসী কাপড়, জামা প্রভৃতি যা কিছু এঁরা দিয়েছিলেন, সমস্ত বার ক’রে টান্ মেরে ফেলে দিলুম।

স্বামী পাথরের মত স্থির নির্বাক হয়ে ব’সে রইলেন। আমার দ্বণায় বিতুষণায় সমস্ত মনটা এমনি বিষিয়ে উঠল যে, এক ঘরের মধ্যে থাকারও অসহ্য হয়ে পড়ল। বেরিয়ে এসে অন্ধকার বারান্দায় একধারে আঁচল

পেতে শুয়ে পড়লুম। মনে হ'ল, দোরের আড়াল থেকে কে যেন বেরিয়ে গেল।

কান্নায় বুক ফেটে যেতে লাগল, তবু প্রাণপণে মুখে কাপড় গুঁজিয়ে দিয়ে মান বাঁচালুম।

কখন ঘুমিয়ে পড়েছিলুম জানিনে, উঠে দেখি ভোর হয়। ঘরে গিয়ে দেখি, বিছানা খালি, হু'একখানি ছাড়া প্রায় সমস্ত গয়নাই নিয়ে তিনি কখন বেরিয়ে গেছেন।

সারাদিন তিনি বাড়ী এলেন না। রাত্রি বারোটা বেজে গেল, তাঁর দেখা নেই।

তন্ময় মধ্যেও বোধ করি সজাগ ছিলাম। রাত্রি দুটোর পর বাগানের দিকের সেই জানালাটার গায়ে খট-খট শব্দ শুনেই বুঝলুম, এ নরেন। কেমন ক'রে যেন আমি নিশ্চয় জানতুম, আজ রাত্রে সে আসবে। স্বামী স্বরে নেই, এ খবর মুক্ত দেবেই, এবং এ স্বযোগ সে কিছুতে ছাড়বে না। কোথাও কাছাকাছি সে যে আছেই, এ যেন আমি ভাবী অমঙ্গলের মত অনুভব করতুম। নরেন এত নিঃসংশয় ছিল যে, সে অনায়াসে বললে—“দেরি কোরো না, যেমন আছে বেরিয়ে এসো, মুক্ত খিড়কি খুলে দাঁড়িয়ে আছে।”

বাগান পার হয়ে রাস্তা দিয়ে অনেকখানি অন্ধকারে এগিয়ে গিয়ে গাড়ীতে গিয়ে বসলুম। মা বহুমতী! গাড়ী শুদ্ধ হতভাগীকে সে দিন গ্রাস করলে না কেন?

কলকাতায় বউবাজারের একটা ছোট্ট বাসায় গিয়ে যখন উঠলুম, তখন বেলা সাড়ে আটটা। আমাকে পৌছে দিয়েই নরেন তার নিজের

স্বামী

বাসায় কিছুক্ষণের জন্ত চ'লে গেল। দাসী উপরের ঘরে বিছানা পেতে রেখেছিল, টল্‌তে টল্‌তে গিয়ে শুয়ে পড়লুম। আশ্চর্য্য যে, যে কথা কখনও ভাবিনি, সমস্ত ভাবনা ছেয়ে সেই কথাই আমার মনে পড়তে লাগল। আমি ন'বছর বয়সে একবার জলে ডুবে যাই, অনেক যত্ন-চেষ্টার পরে জ্ঞান হ'লে মায়ের হাত ধ'রে ঘরের বিছানায় গিয়ে শুয়ে পড়ি। মা শিয়রে ব'সে একহাতে মাথায় হাত বুলিয়ে দিয়ে, একহাতে পাখার বাতাস করেছিলেন,—মায়ের মুখ, আর তাঁর সেই পাখা নিয়ে হাত নাড়াটা ছাড়া সংসারে আর যেন আমার কিছু রইল না।

দাসী এসে বললে, “বউমা, কলের জল চ'লে যাবে, উঠে চান ক'রে নাও।”

স্নান ক'রে এলুম, উড়ে বামুন ভাত দিয়ে গেল। মনে হয় কিছু খেয়েও ছিলাম, কিন্তু, উঠতে না উঠতে সমস্ত বমি হয়ে গেল। তার পরে হাত-মুখ ধুয়ে নিজ্জীবের মত বিছানায় এসে শুয়ে পড়'বামাত্রই বোধ করি ঘুমিয়ে পড়েছিলাম।

স্বপ্ন দেখলুম, স্বামীর সঙ্গে ঝগড়া করছি। তিনি তেমনি নীরবে ব'সে আছেন, আর আমি গায়ের গয়না খুলে খুলে তাঁর গায়ে ছুঁড়ে ফেলছি; কিন্তু গয়নাগুলোও আর ফুরোয় না, আমার ছুঁড়ে ফেলাও থামে না। যত ফেলি, ততই যেন কোথা থেকে গয়নায় সর্বাঙ্গ ভরে ওঠে!

হঠাৎ হাতের ভারি অনন্তটা ছুঁড়ে ফেলতেই সেটা সজোরে গিয়ে তাঁর কপালে লাগল, সঙ্গে সঙ্গে তিনি চোখ বুজে শুয়ে পড়লেন, আর সেই ফাটা কপাল থেকে রক্তর ধারা ফিন্‌কি দিয়ে কড়িকাঠে গিয়ে ঠেকতে লাগল!

এমন ক'রে কতক্ষণ - যে কেটেছিল, আর কতক্ষণ যে কাটতে পারত, বলতে পারিনে। যখন ঘুম ভাঙল, তখন চোখের জলে বালিস-বিছানা ভিজ়ে গেছে।

চোখ চেয়ে দেখি, তখনও অনেক বেলা আছে, আর নরেন পাশে ব'সে আমাকে ঠেলা দিয়ে ঘুম ভাঙাচ্ছে।

সে বল্লে, “স্বপন দেখছিলে? ইস, এ হয়েছে কি!” ব'লে কৌটার খুঁট দিয়ে মুখ মুছিয়ে দিলে।

স্বপন? এক মুহূর্তে মনটা যেন স্বস্তিতে ভ'রে গেল।

চোখ রোখড়ে উঠে ব'সে দেখলুম, স্বমুখেই মস্ত একটা কাগজে মোড়া পার্কেল।

“ও কি?”

“তোমার জামা-কাপড় সব কিনে আনলুম।”

“তুমি কিনতে গেলে কেন?”

নরেন একটু হেসে বল্লে, “আমি ছাড়া আর কে কিনবে?”

* * * * *

এত কাল আমি আর কখনো কাঁদিনি। নরেন বল্লে, “আচ্ছা, পা ছেড়ে উঠে বোস্ বোন, আমি দিব্যি কর্চি, আমরা এক মায়ের পেটের ভাই বোন। তোকে আমি যত ভালই বাসিনে কেন, তবু আমি আমার কাছ থেকে তোকে চিরকাল রক্ষে করব।”

“চিরকাল! না না, তাঁর পায়ের ওপর আমাকে তোমরা ফেলে দিয়ে চ'লে এসো, নরেন দাদা, আমার অদৃষ্টে যা হবার তা' হোক।

আমি

কাল সমস্ত রাত্রি তাঁকে চোখে দেখিনি, আজ আবার সমস্ত রাত্রি দেখতে না পেলে যে আমি ম'রে যাবো ভাই !”

দাসী ঘরে প্রদীপ দিয়ে গেল। নরেন উঠে গিয়ে একটা মোড়ার ওপর ব'সে বললে, “মুক্তর কাছে আমি সমস্তই শুনেচি ! কিন্তু তাঁকে যদি এতই ভালবাসতে, কোন দিন এক সঙ্গে ত'—”

তাড়াতাড়ি বললুম, “তুমি আমার বড় ভাই, এ সব কথা আমাকে তুমি জিজ্ঞেসা কোরো না।”

নরেন খানিকক্ষণ চুপ ক'রে ব'সে থেকে বললে, “আমি আজই তোমাকে তোমাদের বাগানের কাছে রেখে আসতে পারি, কিন্তু, তিনি কি তোমাকে নেবেন ? তখন গ্রামের মধ্যে তোমার কি দুর্গতি হবে বল ত ?”

বকের ভেতরটা কে যেন ছহাতে পাকিয়ে মুচড়ে দিলে, কিন্তু, তখুনি নিজেকে সামলে নিয়ে বললুম, “ঘরে নেবেন না, সে জানি, কিন্তু, তিনি যে আমাকে মাপ করবেন, তাতে ত কোন সন্দেহ নেই। যত বড় অপরাধ হোক, সত্যি সত্যি মাপ চাইলে তাঁর না বলবার যো নেই, এ যে আমি তাঁর মুখেই শুনেচি, ভাই ! আমাকে তুমি তাঁর পায়ের তলায় রেখে এসো, নরেন দা, ভগবান্ তোমাকে রাজ্যেশ্বর করবেন, আমি কায়মনে বল্চি।”

মনে করেছিলুম, আর চোখের জল ফেলবো না, কিন্তু কিছুতে ধ'রে রাখতে পারলুম না, আবার ঝর ঝর ক'রে পড়তে লাগল। নরেন মিনিটখানেক চুপ ক'রে থেকে বললে, “সহ, তুমি কি সত্যিই ভগবান্ মানো ?”

আজ চরম দুঃখে মুখ দিয়ে পরম সত্য বার হয়ে গেল ; বল্লুম, “মানি। তিনি আছেন ব’লেই ত এত ক’রেও ফিরে যেতে চাইচি। নইলে, এইখানে গলায় দড়ি দিয়ে মরতুম, নরেন দাদা, ফিরে যাবার কথা মুখে আনতুম না।”

নরেন বল্লে, “কিন্তু, আমি ত মানিনে।”

তাড়াতাড়ি ব’লে উঠলুম, “আমি বল্চি, আমার মত তুমিও একদিন নিশ্চয় মানবে।”

“সে তখন বোঝা যাবে” ব’লে নরেন গম্ভীর-মুখে ব’সে রইল। মনে মনে কি যেন ভাব্চে বুঝতে পেরে আমি ব্যাকুল হয়ে উঠলুম। আমার এক মিনিট দেবী সইছিল না, বল্লুম, “আমাকে কখন রেখে আসবে, নরেন দাদা?”

নরেন মুখ তুলে ধীরে ধীরে বল্লে, “সে কথখনো তোমাকে নেবে না।”

“সে চিন্তা কেন কর্চ ভাই? নিন্ না নিন্, সে তাঁর ইচ্ছে। কিন্তু, আমাকে তিনি ক্ষমা করবেন, এ কথা নিশ্চয় বলতে পারি।”

“ক্ষমা! না নিলে ক্ষমা করা, না করা দুই-ই সমান। তখন তুমি কোথায় যাবে বল ত? সমস্ত পাড়ার মধ্যে কত বড় একটা বিল্ডিং হৈ-টৈ গুণ্ডগোল প’ড়ে যাবে, একবার ভেবে দেখ দিকি!”

ভয়ে কঁাদ কঁাদ হয়ে বল্লুম, “সে ভাবনা তুমি এতটুকু কোরো না নরেন দাদা! তখন তিনিই আমার উপায় কোরে দেবেন।”

নরেন আবার কিছুক্ষণ চুপ কোরে থেকে বল্লে, “আর তোমারই না হয় একটা উপায় করবেন, কিন্তু আমার ত করবেন না! তখন?”

আমি

এ কথার কি যে জবাব দেব, ভেবে পেলুম না। বললুম, “তাতেই বা তোমার ভয় কি?”

নরেন স্নানমুখে জোর করে একটু হেসে বললে, “ভয়? এমন কিছু নয়, ৫।৭ বছরের জন্তে জেল খাটতে হবে। শেষকালে এমন কোরে তুমি আমাকে ডোবাবে জানলে আমি এতে হাতই দিতুম না। মনের এতটুকু স্থির নেই, এ কি ছেলেখেলা?”

আমি কঁদে ফেলে বললুম, “তবে আমার উপায় কি হবে ভাই? আমার সমস্ত অপরাধ তাঁর পায়ে নিবেদন না কোরে ত আমি কিছুতে বাঁচব না!”

নরেন দাঁড়িয়ে উঠে বললে, “শুধু নিজের কথাই ভাব্চ, আমার বিপদ ত ভাব্চ না? এখন সব দিক না বুঝে আমি কোন কাজ করতে পারব না।”

“ও কি, তুমি কি বাসায় যাচ্চ না কি?”

“হঁ।”

রাগে, দুঃখে, হতাশাসে আমি মাটাতে লুটিয়ে পড়ে মাথা কুটে কাঁদতে লাগলাম, “তুমি সঙ্গে না যাও, এইখান থেকে আমার যাবার উপায় করে দাও, আমি একলা ফিরে যাবো। ওগো, আমি তাঁর দিব্যি কোরে বল্চি, আমি কারুর নাম করব না—কাউকে বিপদে জড়াবো না, সমস্ত শান্তি একা মাথা পেতে নেব। তোমার ছুটি পায়ে পড়ি নরেন দা, আমাকে আটকে রেখে আমার আর সর্বনাশ করো না।”

মুখ তুলে দেখি, ঘরে সে নেই—পা টিপে টিপে বেরিয়ে গেছে।

ছুটে গিয়ে সদর-দরজায় দেখি, তালা বন্ধ। উড়ে বামুন বললে, “বাবু চাবি নিয়ে চ’লে গেছেন, কা’ল সকালে এসে খুলে দেবেন।”

ঘরে ফিরে এসে আর একবার মাটির ওপর লুটিয়ে প’ড়ে, কান্দতে কান্দতে বললুম, “ভগবান্ ! কখনো তোমাকে ডাকিনি, আজ ডাক্চি, তোমার এই একান্ত নিরুপায় মহাপাপিষ্ঠা সন্তানের গতি ক’রে দাও !”

আমার সে ডাক যে কত প্রচণ্ড, তার শক্তি যে কি ছুনিবার, আজ সে শুধু আমিই জানি।

তবু সাত দিন কেটে গেল। কিন্তু, কেমন কোরে যে কাটল, সে ইতিহাস বলবার আমার সামর্থ্যও নেই, ধৈর্য্যও নেই। সে যাক্।

বিকেলবেলায় আমার ওপরের ঘরের জানালায় ব’সে নীচে গলির পানে তাকিয়ে ছিলাম। আফিসের ছুটি হয়ে গেছে—সারাদিনের খাটুনির পর বাবুরা বাড়ীমুখে—হন্ হন্ কোরে চলেচে। অধিকাংশই সামান্য গৃহস্থ। তাদের বাড়ীর ছবি আমার চোখের ওপর স্পষ্ট ফুটে উঠল। বাড়ীর মেয়েদের মধ্যে এখন সব চেয়ে কাঁরা যে বেশি ব্যস্ত, জলখাবার সাজাতে, চা তৈরি করতে সব চেয়ে কাঁরা বেশি ছোটোছুটি ক’রে বেড়াচ্ছে, সেটা মনে হতেই বৃকের ভেতরটা ধক্ কোরে উঠল। মনে পড়ল, তিনিও সমস্ত দিনের হাড়ভাঙা পরিশ্রমের পর বাড়ী ফিরে গেলেন। কোথায় কাপড়, কোথায় গামছা, কোথায় জল! ডাক-কির পর কেউ হয় ত সাড়াও দিলে না। তার পরে, হয় ত, মেজ খাবারের সঙ্গে তাঁরও একটুখানি জল-খাবারের জোগাড় মেজ

স্বামী

বৌ ক'রে রেখেচে, না হয় ভুলেই গেছে ! আমি ত আর নেই,—ভুলতে ভয়ই বা কি ! হয় ত বা শুধু এক গেলাস জল চেয়ে থেয়ে ময়লা বিছানাটা কৌঁচা দিয়ে একটু ঝেড়ে নিয়ে শুয়ে পড়লেন ! তার পরে রাত দুপুরে দুটো শুকনো—ঝরঝরে ভাত, আর একটু ভাতে পোড়া । ও-বেলার একটুখানি ডাল হয় ত বা আছে, হয় ত বা উঠে গেছে । সকলের দিয়ে থুয়ে ছুধ একটু বাঁচে ত সে পরম ভাগ্য ! নিরীহ ভাল মানুষ, কাউকে কড়া কথা বলতে পারেন না, কারো ওপর রাগ দেখাতে জানেন না—

ওরে মহাপাতকী ! এত বড় নিষ্ঠুর মহাপাপ তোর চেয়ে বেশি সংসারে কেউ কি কোন দিন করেছে ? ইচ্ছে হ'ল, এই লোহার গরাদেতে মাথাটা ছেঁচে ফেলে সমস্ত ভাবনা-চিন্তের এইখানেই শেষ ক'রে দিই !

বোধ করি, অনেকক্ষণ পর্য্যন্ত কোন দিকেই চোখ ছিল না, হঠাৎ কড়ানাড়ার শব্দে চমকে উঠে দেখি, সদর-দরজায় দাঁড়িয়ে নরেন আর মুক্ত । তাড়াতাড়ি চোখ মুছে ফেলে নীচের বিছানায় উঠে এসে বসলুম । সেই দিন থেকে নরেন আর আসেনি । আমার সমস্ত মন যে কোথায় প'ড়ে আছে, সে নিঃসংশয়ে বুঝতে পেরেছিল ব'লে ভয়ে এ দিক মাড়াত না । তার নিশ্চয় ধারণা জন্মেছিল, বিপদে পড়লে স্বামীর বিরুদ্ধে আমি তার কোন উপকারেই লাগব না । তাই তার ভয়ও যেমন হয়েছিল, রাগও তেমনি হয়েছিল । ঘরটুকু আমার দিকে চেয়েই দু'জনে একসঙ্গে চমকে উঠল, বললে—

“তোমার এত অস্থখ করেছিল ত আমাকে খবর দাওনি কেন ?
তোমার বামুনটা ত আমার বাসা চেনে ?”

ঝি দালানে ঝাঁট দিচ্ছিল, সে থপ্ কোরে ব'লে বসল, “অস্থখ করবে
কেন ? শুধু জল খেয়ে থাকলে মানুষ রোগা হবে না বাবু ? ছ'টি বেলা
দেখ্চি, ভাতের থালা যেমন বাড়ি হয়, তেমনি প'ড়ে থাকে। অন্ধৈক
দিন ত হাতও দেন না।” শুনে দুজনেই স্তব্ধ হয়ে আমার পানে চেয়ে
দাঁড়িয়ে রইল।

সন্ধ্যার পর নরেন বাসায় চ'লে গেলে মুক্তকে বৃকে টেনে নিয়ে
বললুম, “কেমন আছেন তিনি ?”

মুক্ত কঁদে ফেললে। বললে,—

“অদৃষ্ট ছাড়া পথ নেই বউ মা, নইলে এমন সোনার সোয়ামীর ঘর
করতে পেলে না ?”

“তুই ত ঘর করতে দিলিনে মুক্ত !”

মুক্ত চোখ মুছে বললে,—

“মনে হ'লে বুকের ভেতরটায় যে কি করতে থাকে, সে আর
তোমাকে কি বোল্বে ? বাবু ছাড়া আজও সবাই জানে, তুমি
বাড়ী পোড়ার খবর পেয়ে রাত্তিরেই রাগারাগি ক'রে বাপের
বাড়ী চ'লে গেছ। তোমার স্বাস্থ্য ত তাঁর হুকুম নেওয়া হয় নি
ব'লে রাগ কোরে তাঁর সঙ্গে কথাবার্তাই বন্ধ ক'রে দিয়েচে।
মাগী কি বজ্জাত, মা, কি বজ্জাত ! যে কষ্টটা বাবুকে দিচ্ছে,
দেখলে পাষাণের দুঃখ হয় ! সাথে কি আর তুমি ঝগড়া করতে
বউ মা !”

আমী

“ঝগড়া করা আমার চিরকালের জন্ত যুচে গেছে!” বলতে গিয়ে সত্যি সত্যি যেন দম্ আটকে এলো।

আজ মুক্তর কাছে শুন্তে পেলুম, আমাদের পোড়া বাড়ী আবার মেরামত হচ্ছে, তিনি টাকা দিয়েছেন। হয় ত সেই জন্তই আমার গহনাগুলো হঠাৎ বাঁধা দেবার তাঁর প্রয়োজন হয়েছিল।

বললুম, “বল্ মুক্ত, সব বল্। যত রকমের বুক-কাটা খবর আছে, সমস্ত আমাকে একটি একটি কোরে শোনা—এতটুকু দয়া তোরা আমাকে করিস্নে।”

মুক্ত বললে,—

“এ বাড়ীর ঠিকানা তিনি জানেন—”

শিউরে উঠে বললুম,—

“কি কোরে?”

“মাসখানেক আগে যখন এ বাড়ী তোমার জন্তেই ভাড়া নেওয়া হয়, তখন আমি জান্তুম।”

“তার পর?”

“একদিন নদীর ধারে নরেন বাবুর সঙ্গে আমাকে লুকিয়ে কথা কইতে তিনি নিজের চোখে দেখেছিলেন।”

“তার পর?”

“বামুনের পা ছুঁয়ে মিথ্যে বলতে পারলুম না বোনা,—চ’লে আসবার দিন এ বাসার ঠিকানা বলে ফেললুম।”

এলিয়ে মুক্তর কোলের ওপরই চোক বুজে শুয়ে পড়লুম।

অনেকক্ষণ পরে মুক্ত বললে,—

“বউ মা !”

“কেন মুক্ত ?”

“যদি তিনি নিজেকে তোমাকে ফিরিয়ে নিতে এসে পড়েন ?”

প্রাণপণ বলে উঠে বোসে মুক্তর মুখ চেপে ধরলুম—“না মুক্ত, ও কথা তোকে আমি বলতে দেব না। আমার ছুঃখ আমাকে সজ্ঞানে বইতে দে, পাগল কোরে দিয়ে আমার প্রায়শ্চিত্তের পথ তুই বন্ধ ক’রে দিসনে—”

মুক্ত জোর ক’রে তার মুখ ছাড়িয়ে নিয়ে বললে, “আমাকেও ত প্রায়শ্চিত্ত করতে হবে বউ মা ? টাকার সঙ্গে ত একে ওজন কোরে ঘরে তুলতে পারব না !”

এ কথার আর জবাব দিলুম না, চোখ বুজে শুয়ে পড়লুম। মনে মনে বললুম,—

“ওরে মুক্ত, পৃথিবী এখনও পৃথিবীই আছে। আকাশ-কুসুমের কথা কানেই শোনা যায়, তাকে ফুটতে কেউ আজও চোখে দেখেনি।”

ঘণ্টাখানেক পরে মুক্ত নীচে থেকে ভাত খেয়ে যখন ফিরে এলো, তখন রাত্রি দশটা। ঘরে ঢুকেই বললে,—

“মাথায় আঁচলটা তুলে দাও বউ মা, বাবু আসছেন,” বলেই বেরিয়ে গেল।

আবার এত রাতে ? তাড়াতাড়ি কাপড় সেরে উঠে বসতেই দেখলুম, দোরগোড়ায় দাঁড়িয়ে নরেন নয়,—আমার স্বামী।

স্বামী

বল্লেন, “তোমাকে কিছুই বলতে হবে না। আমি জানি, তুমি আমারই আছ। বাড়ী চল।”

মনে মনে বল্লুম, “ভগবান্ ! এত যদি দিলে, তবে আরও একটু দাও—ওই ছুটি পায়ে মাথা রাখবার সময়টুকু পর্য্যন্ত আমাকে সচেতন রাখে।”

একাদশী বৈরাগী

কালীদহ গ্রামটা ব্রাহ্মণ-প্রধান স্থান। ইহার গোপাল মুখুয্যের ছেলে অপূর্ব ছেলেবেলা হইতেই ছেলেদের মোড়ল ছিল। এবার সে যখন বছর পাঁচ-ছয় কলিকাতার মেসে থাকিয়া অনার সমেত বি-এ পাশ করিয়া বাড়ী ফিরিয়া আসিল, তখন গ্রামের মধ্যে তাহার প্রসার-প্রতি-পত্তির আর অবধি রহিল না। গ্রামের মধ্যে জীর্ণ-শীর্ণ একটা হাইস্কুল ছিল,—তাহার সমবয়সীরা ইতিমধ্যে ইহাতেই পাঠ সাদ্ধ করিয়া, সন্ধ্যা-হিক ছাড়িয়া দিয়া, দশআনা-ছ'আনা চুল ছাটিয়া বসিয়াছিল; কিন্তু, কলিকাতা-প্রত্যাগত এই গ্র্যাজুয়েট ছোকরারুমাথার চুল সমান করিয়া তাহারই মাঝখানে একখণ্ড নখর টিকির সংস্থান দেখিয়া, শুধু ছোকরা কেন, তাহাদের বাবাদের পর্য্যন্ত বিশ্বয়ে তাক লাগিয়ে গেল। সহরের সভা-সমিতিতে যোগ দিয়া, জ্ঞানী লোকদিগের বক্তৃতা শুনিয়া, অপূর্ব সনাতন হিন্দুধর্মের অনেক নিগূঢ় রহস্যের মর্মোন্মেষ্ট করিয়া দেশে গিয়াছিল। এখন সঙ্গীদের মধ্যে ইহাই মুক্ত-কণ্ঠে প্রচার করিতে লাগিল যে, এই হিন্দুধর্মের মত এমন সনাতন ধর্ম আর নাই; কারণ, ইহার প্রত্যেক ব্যবস্থাই বিজ্ঞান-সম্মত। টিকির বৈদ্যুতিক উপযোগিতা,

একাদশী বৈরাগী

দেহরক্ষা ব্যাপারে সদ্ধ্যাহ্নিকের পরম উপকারিতা, কাঁচকলা ভক্ষণের রাসায়নিক প্রতিক্রিয়া ইত্যাদি বহুবিধ অপরিজ্ঞাত তত্ত্বের ব্যাখ্যা শুনিয়া গ্রামের ছেলে-বুড়া-নির্বিশেষে অভিভূত হইয়া গেল, এবং তাহার ফল হইল এই যে, অনতিকালমধ্যেই ছেলেদের টিকি হইতে আরম্ভ করিয়া সদ্ধ্যাহ্নিক, একাদশী, পূর্ণিমা ও গঙ্গাস্নানের ঘটায় বাড়ীর মেয়েরাও হার মানিল। হিন্দুধর্মের পুনরুদ্ধার, দেশোদ্ধার ইত্যাদির জল্পনায়, কল্পনায় যুবকমহলে একেবারে হৈ-হৈ পড়িয়া গেল। বুড়ারা বলিতে লাগিল, হাঁ, গোপাল মুখ্যের বরাত বটে! মা কমলারও যেমন স্মৃষ্টি, সন্তান জন্মিয়াছেও তেমনি। না হইলে আজকালকার কালে এতগুলো ইংরাজি পাশ করিয়াও এই বয়সে এমন ধর্ম্মে মতিগতি কয়টা দেখা যায়! স্বতরাং দেশের মধ্যে অপূর্ব একটা অপূর্ব বস্তু হইয়া উঠিল। তাহার হিন্দুধর্ম্ম-প্রচারিণী, ধূমপান-নিবারিণী ও দুর্নীতি-দলনী—এই তিন-তিনটা সভার আশ্ফালনে গ্রামের চাষাভূষার দল পর্য্যন্ত সন্ত্রস্ত হইয়া উঠিল। পাঁচকড়ি তেওর তাড়ি খাইয়া তাহার স্ত্রীকে প্রহার করিয়াছিল শুনিতে পাইয়া, অপূর্ব সদলবলে উপস্থিত হইয়া পাঁচকড়িকে এমনি শাসিত করিয়া দিল যে, পরদিন পাঁচকড়ির স্ত্রী স্বামী লইয়া বাপের বাড়ী পলাইয়া গেল। ভগা কাওরা অনেক রাজে বিল হইতে মাছ ধরিয়া বাড়ী ফিরিবার পথে, গাঁজার ঝোঁকে নাকি বিজ্ঞানসন্দের মালিনীর গান গাহিয়া যাইতেছিল; ব্রাহ্মণপাড়ার অবিনাশের কানে যাওয়ায়, সে তাহার নাক দিয়া রক্ত বাহির করিয়া তবে ছাড়িয়া দিল। দুর্গা ডোমের ১৪।১৫ বছরের ছেলে বিড়ি খাইয়া মাঠে যাইতেছিল; অপূর্বের দলের ছোকরার চোখে পড়ায়, সে তাহার পিঠের উপর সেই জলন্ত বিড়ি চাপিয়া ধরিয়া

ফোঁকা তুলিয়া দিল। এমনি করিয়া অপূর্বর হিন্দুধর্ম-প্রচারিণী ও দুর্নীতি-দলনী সভা ভাঙ্গুমতীর আমগাছের মত সঙ্গসঙ্গই ফুলেফলে কালী-দহ গ্রামটাকে একেবারে আচ্ছন্ন করিয়া ফেলিল। এইবার গ্রামের মানসিক উন্নতির দিকে নজর দিতে গিয়া অপূর্বর চোখে পড়িল যে, ইস্কুলের লাইব্রেরীতে শশিভূষণের দেড়খানা মানচিত্র ও বকিমের আড়াই-খানা উপন্যাস ব্যতীত আর কিছু নাই। এই দীনতার জ্ঞান সে হেড-মাষ্টারকে অশেষরূপে লাঞ্ছিত করিয়া, অবশেষে নিজেই লাইব্রেরী গঠন করিতে কোমর বাঁধিয়া লাগিয়া গেল। তাহার সভাপতিত্বে চাঁদার খাতা, আইন-কাহ্ননের তালিকা এবং পুস্তকের লিষ্ট তৈরি হইতে বিলম্ব হইল না। এতদিন ছেলেদের ধর্ম-প্রচারের উৎসাহ গ্রামের লোকেরা কোন-মতে সহিয়াছিল; কিন্তু, দুই-এক দিনের মধ্যেই তাহাদের চাঁদা আদায়ের উৎসাহ গ্রামের ইতর-ভদ্র গৃহস্থের কাছে এমনি ভয়াবহ হইয়া উঠিল যে, খাতা-বগলে ছেলে দেখিলেই তাহারা বাড়ীর দরজা-জানালা বন্ধ করিয়া ফেলিতে লাগিল। বেশ দেখা গেল, গ্রামে ধর্ম-প্রচার ও দুর্নীতি-দলনের রাস্তা যতখানি চওড়া পাওয়া গিয়াছিল, লাইব্রেরীর জ্ঞান অর্থসংগ্রহের পথ তাহার শতাংশের একাংশও প্রশস্ত নয়। অপূর্ব কি করিবে ভাবিতেছে, এমন সময়ে হঠাৎ একটা ভারি সুরাহা চোখে পড়িল। ইস্কুলের অদূরে একটা পরিত্যক্ত, পোড়ো ভিটার প্রতি এক-দিন অপূর্বর দৃষ্টি আকৃষ্ট হইল। শোনা গেল, ইহা একাদশী বৈরাগীর, অল্পসন্ধান করিতে জানা গেল, লোকটা কি একটা গর্হিত সামাজিক অপরাধ করায় গ্রামের ব্রাহ্মণেরা তাহার ধোপা-নাপিত-মুদী প্রভৃতি বন্ধ করিয়া বছর-দশেক পূর্বে উদ্ধাস্ত করিয়া নির্বাসিত করিয়াছেন।

একাদশী বৈরাগী

এখন সে ক্রোশ-ছুই উত্তরে বারুইপুর গ্রামে বাস করিতেছে। লোকটা না কি টাকার কুমীর; কিন্তু তাহার সাবেক নাম যে কি, তাহা কেহই বলিতে পারে না,—হাঁড়ি-ফাটার ভয়ে বছদিনের অব্যবহারে মানুষের স্বতি হইতে একেবারে লুপ্ত হইয়া গেছে। তদবধি এই একাদশী নামেই বৈরাগী মহাশয় স্বপ্রসিদ্ধ। অপূর্ব তাল ঠুকিয়া কহিল, টাকার কুমীর! সামাজিক কদাচার! তবে ত এই ব্যাটাই লাইব্রেরীর অর্দ্ধেক ভার বহন করিতে বাধ্য! না হইলে সেখানের ধোপা, নাপিত, মুদীও বন্ধ! বারুইপুরের জমীদার ত দিদির মামাশ্বর!

ছেলেরা মাতিয়া উঠিল, এবং অবিলম্বে ডোনেশনের খাতায় বৈরাগীর নামের পিছনে একটা মস্ত অঙ্কপাত হইয়া গেল। একাদশীর কাছে টাকা আদায় করা হইবে, না হইলে অপূর্ব তাহার দিদির মামাশ্বরকে বলিয়া বারুইপুরেও ধোপা-নাপিত বন্ধ করিবে, সংবাদ পাইয়া রসিক স্বতিরত্ন লাইব্রেরীর মঙ্গলার্থে উপষাচক হইয়া পরামর্শ দিয়া গেলেন যে, বেশ একটু মোটা টাকা না দিলে, মহাপাপী ব্যাটা কালীদেহে বাস্তব কি করিয়া রক্ষা করে, দেখিতে হইবে। কারণ, বাস না করিলেও এই বাস্তবতার উপর একাদশীর যে অত্যন্ত মমতা, স্বতিরত্নের তাহা অগোচর ছিল না। যেহেতু, বছর-ছুই পূর্বে এই জমীটুকু খরিদ করিয়া নিজের বাগানের অদ্বীভূত করিবার অভিপ্রায়ে সবিশেষ চেষ্টা করিয়াও তিনি সফলকাম হইতে পারেন নাই। তাহাব প্রস্তাবে তখন একাদশী অত্যন্ত সাধু ব্যক্তির ছায়া কানে আঙুল দিয়া বলিয়াছিল, “এমন অল্পমতি করবেন না ঠাকুর মশাই, ঐ এক ফোটা জমীর বদলে ব্রাহ্মণের কাছে দাম নিতে আমি কিছুতেই পারুব না। ব্রাহ্মণের সেবায় লাগবে, এ তো আমার

সাত-পুরুষের ভাগ্য।” স্বতিরত্ন নিরতিশয় পুলকিত-চিহ্নে তাহার দেব-দ্বিজে ভক্তি-শ্রদ্ধার লক্ষকোটি স্তুত্যাতি করিয়া অসংখ্য আশীর্বাদ করার পরে, একাদশী করযোড়ে সবিনয়ে নিবেদন করিয়াছিল—“কিন্তু এমনি পোড়া অদৃষ্ট, ঠাকুর-মশাই, যে, সাত-পুরুষের ভিটে আমার কিছুতে হাতছাড়া করবার জো নেই। বাবা মরণকালে মাথার দিবি দিয়ে ব’লে গিয়েছিলেন, খেতেও যদি না পাস্ বাবা, বাসন্ত-ভিটে কখনো ছাড়িস্ নে!” ইত্যাদি ইত্যাদি। সে আক্রোশ স্বতিরত্ন বিস্মৃত হন নাই।

দিন-পাঁচেক পরে একদিন সকালবেলা এই ছেলের দলটি দুই ক্রোশ পথ হাঁটিয়া একাদশীর সদরে আসিয়া উপস্থিত হইল। বাড়ীটি মাটির, কিন্তু পরিষ্কার-পরিচ্ছন্ন। দেখিলে মনে হয়, লক্ষ্মীশ্রী আছে। অপূর্ব কিংবা তাহার দলের আর কেহ একাদশীকে পূর্বের কখনো দেখে নাই; স্বতরাং চণ্ডীমণ্ডপে পা দিয়াই তাহাদের মন বিতুষায় ভরিয়া গেল। এ লোক টাকার কুমীরই হোক, হাদ্দরই হোক, লাইব্রেরীর সম্বন্ধে যে পুঁটি-মাছটির উপকারে আসিবে না, তাহা নিঃসন্দেহ। একাদশীর পেশা তেজারতি। বয়স ষাটের উপর গিয়াছে। সমস্ত দেহ যেমন শীর্ণ, তেমন শুষ্ক। কণ্ঠভরা তুলসীর মালা। দাড়ি-গোঁফ-কামানো মুখখানার প্রতি চাহিলে মনে হয় না যে, কোথাও ইহার লেশমাত্র রসকস আছে। ইক্ষু যেমন নিজের রস কলের পেয়ণে বাহির করিয়া দিয়া, অবশেষে নিজেই ইক্ষন হইয়া তাহাকে জ্বলাইয়া শুষ্ক করে, এ ব্যক্তিও যেন তেমনি মাছুষকে পুড়াইয়া শুষ্ক করিবার জন্তই নিজের সমস্ত মনুষ্যত্বকে নিঙড়াইয়া বিসর্জন দিয়া ‘মহাজন’ হইয়া বসিয়া আছে।

একাদশী বৈরাগী

তাহার শুধু চেহারা দেখিয়াই অপূর্ব মনে-মনে দমিয়া গেল। চণ্ডী-মণ্ডপের উপর ঢালা বিছানা। মাঝখানে একাদশী বিরাজ করিতেছে। তাহার সম্মুখে একটা কাঠের হাত-বাক্স, এবং একপাশে থাক-দেওয়া হিসাবের খাতাপত্র। একজন বৃদ্ধ-গোছের গমস্তা খালিগায়ে পৈতার গোছা গলায় বুলাইয়া প্লেটের উপর স্বদের হিসাব করিতেছে; এবং সম্মুখে, পার্শ্বে, বারান্দায়, খুঁটির আড়ালে নানা বয়সের নানা অবস্থার স্ত্রী-পুরুষ য়ান মুখে বসিয়া আছে। কেহ ঋণ গ্রহণ করিতে, কেহ স্বদ দিতে, কেহ বা শুধু সময় ভিক্ষা করিতেই আসিয়াছে;—কিন্তু ঋণ-পরিশোধের জন্ত কেহ যে বসিয়া ছিল, তাহা কাহারও মুখ দেখিয়া মনে হইল না।

অকস্মাৎ কয়েকজন অপরিচিত ভদ্রসন্তান দেখিয়া একাদশী বিস্ময়াপন্ন হইয়া চাহিল। গমস্তা প্লেটখানা রাখিয়া দিয়া কহিল, “কোথেকে আসছেন?”

অপূর্ব কহিল, “কালীদহ থেকে।”

“মশায়, আপনারা?”

“আমরা সবাই ব্রাহ্মণ।”

ব্রাহ্মণ শুনিয়া একাদশী সসম্মমে উঠিয়া দাঁড়াইয়া ঘাড় বুঁকাইয়া প্রণাম করিল; কহিল, “বোসতে আজ্ঞা হোক।”

সকলে উপবেশন করিলে একাদশী নিজেও বসিল। গমস্তা প্রশ্ন করিল, “আপনাদের কি প্রয়োজন?”

অপূর্ব লাইব্রেরীর উপকারিতা সম্বন্ধে সামান্য একটু ভূমিকা করিয়া চাঁদার কথা পাড়িতে গিয়া দেখিল, একাদশীর ঘাড় আর-

একদিকে ফিরিয়া গিয়াছে। সে খুঁটির আড়ালের জ্বীলোকটিকে সম্বোধন করিয়া কহিতেছে, “তুমি কি ক্ষেপে গেলে হারুর মা? স্বদ ত হয়েছে কুলে সাত টাকা দু-আনা; তার দু-আনাই যদি ছাড়্ ক’রে নেবে, তার চেয়ে আমার গলায় পা দিয়ে জিভ বের কোরে মেরে ফেল না কেন?”

তাহার পরে উভয়েই এমনি ধস্তাধস্তি শুরু করিয়া দিল—যেন এই দু’আনা পয়সার উপরেই তাহাদের জীবন নির্ভর করিতেছে। কিন্তু হারুর মাও যেমন স্থিরসঙ্কল্প, একাদশীও তেমনি অটল। দেরি হইতেছে দেখিয়া, অপূৰ্ব উভয়ের বাকবিতণ্ডার মাঝখানেই বলিয়া উঠিল, “আমাদের লাইব্রেরীর কথাটা”—

একাদশী মুখ ফিরাইয়া বলিল, “আজ্ঞে, এই যে শুনি;—হাঁ রে নফর, তুই কি আমাকে মাথায় পা দিয়ে ডুবোতে চাস্ রে? সে দু’টাকা এখনো শোধ দিলিনে, আবার এক টাকা চাইতে এসেছিচ্ কোন্ লজ্জায় শুনি? বলি স্বদটুদ কিছু এনেচিস্?”

নফর ট্যাঁক খুলিয়া এক আনা পয়সা বাহির করিতেই একাদশী চোখ রাঙাইয়া কহিল, “তিন মাস হয়ে গেল না রে? আর দুটো পয়সা কই?”

নফর হাত-ঘোড় করিয়া বলিল, “আর নেই কর্ত্তা; ধাড়ার-পোর কত হাতে-পায়ে পোড়ে পয়সা চারিটি ধার কোরে আন্চি, বাকি দুটো পয়সা আস্চে হাট-বারেই দিয়ে যাবো।”

একাদশী গলা বাড়াইয়া দেখিয়া বলিল, “দেখি তোর ওদিকের ট্যাঁকটা?”

একাদশী বৈরাগী

নফর বা দিকের ট্যাকটা দেখাইয়া অভিমানভরে কহিল, “দুটো পয়সার জন্ম মিছে কথা কইচি কর্ত্তা ? যে শালা পয়সা এনেও তোমারে ঠকায়, তার মুখে পোকা পড়ুক—এই ব’লে দিলুম।”

একাদশী তীক্ষ্ণদৃষ্টিতে চাহিয়া কহিল, “তুই চারটে পয়সা ধার কোরে আন’তে পারুলি, আর দুটো অম্নি ধার কর’তে পারুলিনে ?”

নফর রাগিয়া কহিল, “মাইরি দিলাশা করলুম না কর্ত্তা ? মুখে পোকা পড়ুক”—

অপূর্বর গা জলিয়া যাইতেছিল, সে আর সহ্য করিতে না পারিয়া বলিয়া উঠিল, “আচ্ছা লোক ত তুমি মশাই !”

একাদশী একবার চাহিয়া দেখিল মাত্র,—কোন কথা কহিল না। পরাণ বাগদী স্রুমেখের উঠান দিয়া যাইতেছিল ; একাদশী হাত নাড়িয়া ডাকিয়া বলিল, “পরাণ, নফরার কাছাটা একবার খুলে দেখ’ত রে, পয়সা দুটো বাঁধা আছে না কি ?”

পরাণ উঠিয়া আসিতেই নফর রাগ করিয়া তাহার কাছার খুঁটে বাঁধা পয়সা দুটো খুলিয়া একাদশীর স্রুমেখে ছুড়িয়া ফেলিয়া দিল। একাদশী এই বেয়াদপিতে কিছুমাত্র রাগ করিল না। গম্ভীর মুখে পয়সা ছয়টা বাস্তে তুলিয়া রাখিয়া গমস্তাকে কহিল, “ঘোষাল মশাই, নফরার নামে হুদ আদায় জমা ক’রে নেন। হাঁ রে, একটা টাকা কি আবার কোর’বি রে ?”

নফর কহিল, “আবশ্যক না হলেই কি এয়েচি মশাই ?”

একাদশী কহিল, “আট আনা নিয়ে যা না। গোটা টাকা নিয়ে গেলেই ত নয়-ছয় ক’রে ফেল’বি রে !”

তার পরে অনেক কষা-মাজা করিয়া নফর মোড়ল বারো আনা পয়সা কর্জ লইয়া প্রস্থান করিল।

বেলা বাড়িয়া উঠিতেছিল। অপূর্বের সঙ্গী অনাথ চাঁদার খাতাটা একাদশীর সম্মুখে নিক্ষেপ করিয়া কহিল, “যা দেবেন দিয়ে দিন মশাই, আমরা আর দেরি করতে পারিনে।”

একাদশী খাতাটা তুলিয়া লইয়া প্রায় পোনের মিনিট ধরিয়া আগাগোড়া তন্নতন্ন করিয়া নিরীক্ষণ করিয়া, শেষে একটা নিঃশ্বাস ফেলিয়া খাতাটা ফিরাইয়া দিয়া বলিল, “আমি বুড়ো মানুষ, আমার কাছে আবার চাঁদা কেন?”

অপূর্ব কোনমতে রাগ সামলাইয়া কহিল, “বুড়ো মানুষ টাকা দেবে না ত কি ছোট ছেলেতে টাকা দেবে? তারা পাবে কোথায় শুন?”

বুড়া সে কথার উত্তর না দিয়া কহিল, “ইস্কুল ত হয়েছে ২০১২৫ বছর; কৈ, এতদিন ত কেউ লাইব্রেরীর কথা তোলে নি বাপু? তা যাক্, এ তো আর মন্দ কাজ নয়,—আমাদের ছেলেপুলে বই পড়ুক আর না পড়ুক, আমার গাঁয়ের ছেলেরাই পড়বে ত! কি বল ঘোষাল মশাই?” ঘোষাল ঘাড় নাড়িয়া কি যে বলিল, বোঝা গেল না। একাদশী কহিল, “তা বেশ, চাঁদা দেব আমি,—একদিন এসে নিয়ে যাবেন চার আনা পয়সা। কি বল ঘোষাল, এর কমে আর ভাল দেখায় না! অতদূর থেকে ছেলেরা এসে ধরেচে—যা’হোক্ একটু নাম-ডাক আছে বলেই ত? আরও ত লোক আছে, তাদের কাছে ত চাইতে যায় না,—কি বল হে?”

ক্রোধে অপূর্বের মুখ দিয়া কথা বাহির হইল না। অনাথ কহিল, “এই

একাদশী বৈরাগী

চার আনার জন্মে আমরা এতদূরে এসেছি ? তাও আবার আর একদিন এসে নিয়ে যেতে হবে ?” একাদশী মুখে একটা শব্দ করিয়া মাথা নাড়িয়া নাড়িয়া বলিতে লাগিল, “দেখলেন ত অবস্থা,—ছ’টা পয়সা হকের স্তদ আদায় করতে ব্যাটারদের কাছে কি ছ্যাচড়াপানাই না করতে হয় ? তা, এ পাট-টা বিক্রী না হয়ে গেলে আর চাঁদা দেবার সুবিধে—”

অপূর্বর রাগে ঠোঁট কাঁপিতে লাগিল ; বলিল, “সুবিধে হবে এখানেও ধোপা-নাপিত বন্ধ হ’লে। ব্যাটা পিশাচ সর্বদা ছিটে-ফোঁটা কেটে জাত হারিয়ে বোষ্টম হয়েছেন,—আচ্ছা !”

বিপিন উঠিয়া দাঁড়াইয়া একটা আঙুল তুলিয়া শাসাইয়া কহিল, “বাকুইপুরের রাখালদাস বাবু আমাদের কুটুম—মনে থাকে যেন বৈরাগী !”

বুড়া বৈরাগী এই অভাবনীয় কাণ্ডে হতবুদ্ধি হইয়া চাহিয়া রহিল। বিদেশী ছেলেদের অকস্মাৎ এত ক্রোধের হেতু সে কিছুই বুঝিতে পারিল না। অপূর্ব বলিল, “গরীবদের রক্ত শুষে স্তদ খাওয়া তোমার বার কোরব, তবে ছাড়ব।”

নফর তখনও বসিয়া ছিল ; তাহার কাছায়-বাঁধা পয়সা-ছুটা আদায় করার রাগে মনে-মনে ফুলিতেছিল ; সে কহিল, “যা কইলেন কর্তা, তা ঠিক। বৈরাগী ত নয়—পিচেশ ! চোখে দেখলেন ত, কি কোরে মোর পয়সা-ছুটা আদায় দিলে !”

বুড়ার লাজনায়, উপস্থিত সকলেই মনে-মনে নিষ্পল আনন্দ উপভোগ করিতে লাগিল। তাহাদের মুখের ভাব লক্ষ্য করিয়া বিপিন উৎসাহিত হইয়া চোখ টিপিয়া বলিয়া উঠিল, “তোমরা ত ভেতরের কথা জানো

না ;—কিন্তু, আমাদের গাঁয়ের লোক,—আমরা সব জানি । কি গো বুড়ো, আমাদের গাঁয় কেন তোমার ধোপা-নাপ্তে বন্ধ হয়েছিল বোলব ?”

খবরটা পুরাতন । সবাই জানিত, একাদশী সদগোপের ছেলে—জাত বৈষ্ণব নহে । তাহার একমাত্র বৈমাত্র ভগিনী প্রলোভনে পড়িয়া কুলের বাহির হইয়া গেলে, একাদশী অনেক দুঃখে অনেক অল্পসন্ধানে তাহাকে ঘরে ফিরাইয়া আনে । কিন্তু এই কদাচারে গ্রামের লোক বিস্মিত ও অতিশয় ক্রুদ্ধ হইয়া উঠে । তথাপি একাদশী মা-বাপ-মরা এই বৈমাত্র ছোট বোনটিকে কিছুতেই পরিত্যাগ করিতে পারে নাই । সংসারে তাহার আর কেহ ছিল না ; ইহাকেই সে শিশুকাল হইতে কোলে-পিঠে করিয়া মানুষ করিয়াছিল ; তাহার ঘটা করিয়া বিবাহ দিয়াছিল ; আবার অল্প বয়সে বিধবা হইয়া গেলে, দাদার ঘরেই সে আদরে যত্নে ফিরিয়া আসিয়াছিল । বয়স এবং বুদ্ধির দোষে সেই ভগিনীর এত বড় পবন্থলনে বুদ্ধ কাঁদিয়া ভাসাইয়া দিল ; আহার-নিদ্রা ত্যাগ করিয়া গ্রামে গ্রামে সহরে সহরে ঘুরিয়া অবশেষে যখন তাহার সন্ধান পাইয়া তাহাকে ঘরে ফিরাইয়া আনিল, তখন গ্রামের লোকের নিষ্ঠুর অহুশাসন মাথায় তুলিয়া লইয়া, তাহার এই লজ্জিতা, একান্ত অহুতপ্তা, দুর্ভাগিনী ভগিনীটিকে আবার গৃহের বাহির করিয়া দিয়া, নিজে প্রায়শ্চিত্ত করিয়া জ্বাতে উঠিতে একাদশী কোনমতেই রাজী হইতে পারিল না । অতঃপর গ্রামে তাহার ধোবা-নাপিত-মুদী প্রভৃতি বন্ধ হইয়া গেল । একাদশী নিরুপায় হইয়া ভেক লইয়া বৈষ্ণব হইয়া এই বারুইপুরে পলাইয়া আসিল । কথাটা সবাই জানিত ; তথাপি আর একজনের মুখ হইতে আর একজনের কলঙ্ক-কাহিনীর মাধুর্য্যটা উপভোগ করিবার জন্য সবাই

একাদশী বৈরাগী

উদ্গ্রীব হইয়া উঠিল। কিন্তু একাদশী লজ্জায়, ভয়ে একেবারে জড়মড় হইয়া গেল। তাহার নিজের জন্ত নয়, ছোট বোনটির জন্ত। প্রথম-যৌবনের অপরাধ গৌরীর বুকের মধ্যে যে গভীর ক্ষতের সৃষ্টি করিয়াছিল, আজিও যে তাহা তেমনি আছে, তিলান্ধুও শুদ্ধ হয় নাই, বুদ্ধ তাহা ভাল-রূপেই জানিত। পাছে বিন্দুমাত্র ইঙ্গিতও তাহার কানে গিয়া সেই ব্যথা আলোড়িত হইয়া উঠে, এই আশঙ্কায় একাদশী বিবর্ণ-মুখে নিঃশব্দে চাহিয়া রহিল। তাহার এই সঙ্কল্প দৃষ্টির নীরব মিনতি আর কাহারও চক্ষে পড়িল না, কিন্তু, অপূর্ব হঠাৎ অলুভব করিয়া বিশ্বম্বে অবাক হইয়া গেল।

বিপিন বলিতে লাগিল, “আমরা কি ভিথিরী যে, ছুকোশ পথ হেঁটে এই রৌদ্রে চারগুণা পয়সা ভিক্ষে চাইতে এসেছি! তাও আবার আজ নয়,—কবে গুর কোন খাতকের পাট বিক্রী হবে, সেই খবর নিয়ে আমাদের আর একদিন হাঁটতে হবে। তবে যদি বাবুর দয়া হয়! কিন্তু, লোকের রক্ত শুষে স্তদ খাও বুড়ো, মনে করেচ জোকের গায়ে জোক বসে না? আমি এখানেও না তোমার হাড়ির হাল করি ত আমার নাম বিপিন ভট্টচার্য্যই নয়! ছোট জাতের পয়সা হয়েছে ব’লে চোখে-কানে আর দেখতেই পাও না? চল হে অপূর্ব, আমরা যাই—তার পরে যা জানি, করা যাবে।” বলিয়া সে অপূর্বর হাত ধরিয়া টান্ দিল।

বেলা এগারোটা বাজিয়া গিয়াছিল; বিশেষতঃ এতটা পথ হাঁটিয়া আসিয়া অপূর্বর অত্যন্ত পিপাসা বোধ হওয়ায় কিছুক্ষণ পূর্বে চাকরটাকে সে জল আনিতে বলিয়া দিয়াছিল। তাহার পর কলহ-বিবাদে সে

কথা মনে ছিল না। কিন্তু তাহারই তৃষ্ণার জল একহাতে এবং অস্ত্র হাতে রেকাবিতে গুটি কয়েক বাতাসা লইয়া একটি সাতাশ-আটাশ বছরের বিধবা মেয়ে পাশের দরজা ঠেলিয়া ভিতরে প্রবেশ করিতে তাহার জল চাওয়ার কথা স্মরণ হইল! গৌরীকে ছোট জাতের মেয়ে বলিয়া কিছুতেই মনে হয় না। পরণে গরদের কাপড়; স্নানের পর বোধ করি সে এইমাত্র আর্হিক করিতে বসিয়াছিল,—ব্রাহ্মণ জল চাহিয়াছে, চাকরের কাছে শুনিয়া, সে আর্হিক ফেলিয়া ছুটিয়া আসিয়াছে। কহিল, “আপনাদের কে জল চেয়েছিলেন যে!”

বিপিন কহিল, “পাটের শাড়ী প’রে এলেই বুঝি তোমার হাতে জল খাবো আমরা? অপূর্ব, ইনিই সেই বিচ্ছেদরী হে!”

চক্ষের নিমিষে মেয়েটির হাত হইতে বাতাসার রেকাবিটা বানাৎ করিয়া নীচে পড়িয়া গেল এবং সেই অসীম লজ্জা চোখে দেখিয়া অপূর্ব নিজেই লজ্জায় মরিয়া গেল। সক্রোধে বিপিনকে একটা কলুষের গুঁতো মারিয়া কহিল, “এ সব কি বাদ্রামী হচ্ছে! কাণ্ডজ্ঞান নেই?”

বিপিন পাড়াগাঁয়ের মাহুষ—কলহের মুখে অপমান করিতে নর-নারী-ভেদাভেদ-জ্ঞান-বিবর্জিত নিরপেক্ষ বীরপুরুষ। সে অপূর্বের খোঁচা খাইয়া আরও নিষ্ঠুর হইয়া উঠিল। চোখ রাঙাইয়া হাঁকিয়া কহিল, “কেন, মিছে কথা বল্চি না কি? ওর এত বড় সাহস যে, বামূনের ছেলের জন্তে জল আনে? আমি হাতে হাঁড়ি ভেঙে দিতে পারি জানো?”

অপূর্ব বুঝিল, আর তর্ক নয়। অপমানের মাত্রা তাহাতে বাড়িবে বই কমিবে না। কহিল, “আমিই আনতে বলেছিলুম বিপিন, তুমি না জেনে অনর্থক ঝগড়া করো না; চল, আমরা এখন যাই।”

একাদশী বৈরাগী

গৌরী রেকাবিটি কুড়াইয়া লইয়া, কাহারও প্রতি দৃষ্টিপাত না করিয়া নিঃশব্দে দরজার আড়ালে গিয়া দাঁড়াইল। তথা হইতে কহিল, “দাদা, এঁরা যে কিসের চাঁদা নিতে এসেছিলেন, তুমি দিয়েচ ?”

একাদশী এতক্ষণ পর্য্যন্ত বিহ্বলের স্থায় বসিয়াছিল, ভগিনীর আহ্বানে চকিত হইয়া বলিল, “না ; এই যে দিই দিদি।”

অপূর্বের প্রতি চাহিয়া হাতযোড় করিয়া কহিল, “বাবু মশাই, আমি গরীব মানুষ ; চার আনাই আমার পক্ষে ঢের—দয়া কোরে নিন।”

বিপিন পুনরায় কি একটা কড়া জবাব দিতে উত্তত হইয়াছিল, অপূর্ব ইঙ্গিতে তাহাকে নিষেধ করিল ; কিন্তু, এত কাণ্ডের পরে সেই চার আনার প্রস্তাবে তাহার নিজেরও অত্যন্ত ঘৃণাবোধ হইল। আত্ম-সংবরণ করিয়া কহিল, “থাক্ বৈরাগী, তোমার কিছু দিতে হবে না।”

একাদশী বুঝিল, ইহা রাগের কথা ; একটা নিঃশ্বাস ফেলিয়া কহিল, “কলিকাল ! বাগে পেলো কেউ কি কারও ঘাড় ভাঙ্তে ছাড়ে ! দাও ঘোষাল মশাই, পাঁচগুণ পয়সাই খাতায় থরচ লেখো ! কি আর কোরবে বল !” বলিয়া বৈরাগী পুনরায় একটা দীর্ঘশ্বাস মোচন করিল। তাহার মুখ দেখিয়া অপূর্বের এবার হাসি পাইল। এই কুসীদজীবী বৃদ্ধের পক্ষে চার আনা এবং পাঁচ আনার মধ্যে কত বড় যে প্রকাণ্ড প্রভেদ, তাহা সে মনে মনে বুঝিল ; মুহূ হাসিয়া কহিল, “থাক্ বৈরাগী, তোমার দিতে হবে না। আমরা চার-পাঁচ আনা পয়সা চাঁদা নিইনি। আমরা চল্লম।”

কি জানি কেন, অপূর্ব একান্ত আশা করিয়াছিল, এই পাঁচ আনার বিরুদ্ধে ঘরের অন্তরাল হইতে অন্ততঃ একটা প্রতিবাদ আসিবে।

তাহার অঞ্চলের প্রান্তটুকু তখনও দেখা যাইতেছিল ; কিন্তু সে কোন কথা কহিল না। যাইবার পূর্বে অপূর্ব যথার্থই ক্ষোভের সহিত মনে মনে কহিল, “ইহারা বাস্তবিকই অত্যন্ত ক্ষুদ্র। দান করা সম্বন্ধে পাঁচ আনা পয়সার অধিক ইহাদের ধারণাই নাই। পয়সাই ইহাদের প্রাণ, পয়সাই ইহাদের অস্থি-মাংস, পয়সার জন্ত ইহারা করিতে পারে না, এমন কাজ সংসারে নাই।”

অপূর্ব সদলবলে উঠিয়া দাঁড়াইতেই, একটি বছরদশেকের ছেলের প্রতি অনাথের দৃষ্টি পড়িল। ছেলেটির গলায় উত্তরীয়, বোধ করি পিতৃ-বিয়োগ কিংবা এমনি কিছু একটা ঘটিয়া থাকিবে। তাহার বিধবা জননী বারান্দায় খুঁটির আড়ালে বসিয়াছিল। অনাথ আশ্চর্য্য হইয়া জিজ্ঞাসা করিল, “পুঁটে, তুই যে এখানে?”

পুঁটে আঙুল দেখাইয়া কহিল, “আমার মা ব’সে আছেন। মা বল্লেন, আমাদের অনেক টাকা গুঁর কাছে জমা আছে।” বলিয়া সে একাদশীকে দেখাইয়া দিল। কথাটা শুনিয়া সকলেই বিস্মিত ও কৌতূহলী হইয়া উঠিল। ইহার শেষ পর্য্যন্ত কি দাঁড়ায়, দেখিবার জন্ত অপূর্ব নিজের আকর্ষণ পিপাসা সত্ত্বেও বিপিনের হাত ধরিয়া বসিয়া পড়িল।

একাদশী প্রশ্ন করিল, “তোমার নামটি কি বাবা? বাড়ী কোথায়?”

ছেলেটি কহিল, “আমার নাম শশধর; বাড়ী গুঁদের গাঁয়ে—কালীদহে।”

“তোমার বাবার নামটি কি?”

ছেলেটির হইয়া এবার অনাথ জবাব দিল; কহিল, “এর বাপ অনেক

একাদশী বৈরাগী

দিন মারা গেছে। পিতামহ রামলোচন চাটুয্যে ছেলের মৃত্যুর পর সংসার ছেড়ে বেরিয়ে গিয়াছিলেন; সাত বৎসর পরে মাস খানেক হ'ল ফিরে এসেছিলেন। পরশু এদের ঘরে আগুন লাগে, আগুন নিবোতে গিয়ে বৃদ্ধ মারা পড়েচেন। আর কেউ নেই, এই নাতিটাই শ্রাদ্ধাধিকারী।”

কাহিনী শুনিয়া সকলেই ছুঃখ প্রকাশ করিল, শুধু একাদশী চুপ করিয়া রহিল। একটু পরে প্রশ্ন করিল, “টাকার হাতচিঠা আছে? যাও, তোমার মাকে জিজ্ঞাসা ক'রে এসো।”

ছেলেটি জিজ্ঞাসা করিয়া আসিয়া কহিল, “কাগজপত্র কিছু নেই— সব পুড়ে গেছে।”

একাদশী প্রশ্ন করিল, “কত টাকা?”

এবার বিধবা অগ্রসর হইয়া আসিয়া মাথার কাপড়টা সরাইয়া জবাব দিল, “ঠাকুর মরবার আগে ব'লে গেছেন, পাঁচশ টাকা তিনি জমা রেখে তীর্থ-যাত্রা করেন। বাবা, আমরা বড় গরীব; সব টাকা না দাও, কিছু আমাদের ভিক্ষে দাও,” বলিয়া বিধবা টিপিয়া-টিপিয়া কাঁদিতে লাগিল। ঘোষাল মশাই এতক্ষণ খাতা-লেখা ছাড়িয়া একাগ্রচিত্তে শুনিতেছিলেন; তিনিই অগ্রসর হইয়া প্রশ্ন করিলেন, “বলি, কেউ সাক্ষী-টাক্ষী আছে?”

বিধবা ঘাড় নাড়িয়া বলিল, “না। আমরাও জান্তাম না। ঠাকুর গোপনে টাকা জমা রেখে বেরিয়ে গিয়েছিলেন।”

ঘোষাল মুহূহাস্ত করিয়া বলিলেন, “শুধু কাঁদলেই ত হয় না বাপু! এ-সব মবলগ্ টাকাকড়ির কাণ্ড যে! সাক্ষী নেই, হাতচিঠা নেই, তা'হলে কি রকম হবে বল দেখি?”

বিধবা ফুলিয়া-ফুলিয়া কাঁদিতে লাগিল; কিন্তু কান্নার ফল যে কি হইবে, তাহা কাহারও বুঝিতে বাকি রহিল না। একাদশী এবার কথা কহিল; ঘোষালের প্রতি চাহিয়া কহিল, “আমার মনে হচ্ছে যেন, পাঁচশ টাকা কে জমা রেখে আর নেয় নি। তুমি একবার পুরোনো খাতাগুলো খুঁজে দেখ দিকি, কিছু লেখা-টেখা আছে না কি?”

ঘোষাল ঝঙ্কার দিয়া কহিল, “কে এত বেলায় ভুতের ব্যাগার খাটতে যাবে বাবু? সাক্ষী নেই, রসিদ-পত্ৰ নেই—”

কথাটা শেষ হইবার পূর্বেই দ্বারের অন্তরাল হইতে জবাব আসিল, “রসিদ-পত্ৰ নেই ব’লে কি ব্রাহ্মণের টাকাটা মারা যাবে না কি? পুরোনো খাতা দেখুন—আপনি না পারেন আমাকে দিন, দেখে দিচ্ছি।”

সকলেই বিস্মিত হইয়া দ্বারের প্রতি চোখ তুলিল; কিন্তু যে হুকুম দিল, তাহাকে দেখা গেল না।

ঘোষাল নরম হইয়া কহিল, “কত বছর হয়ে গেল মা! এতদিনের খাতা খুঁজে বার করা ত সোজা নয়! খাতাপত্ৰের আঙুল! তা জমা থাকে, পাওয়া যাবে বৈ কি!” বিধবাকে উদ্দেশ্য করিয়া কহিল, “তুমি বাছা কেঁদো না,—হকের টাকা হয় ত, পাবে বৈ কি। আচ্ছা, কা’ল একবার আমাদের বাড়ী যেয়ো; সব কথা জিজ্ঞাসা ক’রে খাতা দেখে বার কোরে দেব। আজ এত বেলায় ত আর হবে না!”

বিধবা তৎক্ষণাত্ সন্মত হইয়া কহিল, “আচ্ছা বাবা, কা’ল সকালেই আপনার ওখানে যাবো।”

‘যেয়ো’ বলিয়া ঘোষাল ঘাড় নাড়িয়া সম্মুখের খোলা খাতা সেদিনের মত বন্ধ করিয়া ফেলিল।

একাদশী বৈরাগী

কিন্তু জিজ্ঞাসাবাদের ছলে বিধবাকে বাড়ীতে আহ্বান করার অর্থ অত্যন্ত সূক্ষ্ম। অন্তরাল হইতে গৌরী কহিল, “আট বছর আগের— তাহ’লে ১৩০১ সালের খাতাটা একবার খুলে দেখুন ত, টাকা জমা আছে কি না?”

ঘোষাল কহিলেন, “এত তাড়াতাড়ি কিসের মা!”

গৌরী কহিল, “আমাকে দিন, আমি দেখে দিচ্ছি। ব্রাহ্মণের মেয়ে দু’কোশ হেঁটে এসেচেন—দু’কোশ এই রৌদ্রে হেঁটে যাবেন, আবার কাল আপনার কাছে আসবেন;—এত হাদ্দামায় কাজ কি ঘোষাল-কাকা?”

একাদশী কহিল, “সত্যিই ত ঘোষাল মশাই; ব্রাহ্মণের মেয়েকে মিছামিছি ইটানো কি ভালো? বাপ্‌রে! দাও, দাও, চটপট দেখে দাও।”

ক্রুদ্ধ ঘোষাল তখন রুষ্ট মুখে উঠিয়া গিয়া পাশের ঘর হইতে ১৩০১ সালের খাতা বাহির করিয়া আনিলেন। মিনিট-দশেক পাতা উন্টাইয়া হঠাৎ ভয়ানক খুসী হইয়া বলিয়া উঠিলেন, “বাঃ! আমার গৌরী মায়ের কি সূক্ষ্ম বুদ্ধি! ঠিক এক সালের খাতাতেই জমা পাওয়া গেল! এই যে রামলোচন চাটুয্যের জমা পাচশ—”

একাদশী কহিল, “দাও, চটপট সূদটা ক’ষে দাও, ঘোষাল মশাই।”

ঘোষাল বিস্মিত হইয়া কহিল, “আবার সূদ?”

একাদশী কহিল, “বেশ, দিতে হবে না! টাকাটা এতদিন খেটেচে ত, বোসে ত থাকেনি। আট বছরের সূদ—এই ক’মাস সূদ বাদ পড়বে।”

একাদশী বৈরাগী

তখন হুদে-আসলে প্রায় সাড়ে সাতশ' টাকা হইল। একাদশী ভগিনীকে লক্ষ্য করিয়া কহিল, “দিদি, টাকাটা তবে সিন্দুক থেকে বা'র কোরে আন। হাঁ বাছা, সব টাকাটাই একসঙ্গে নিয়ে যাবে ত?”

বিধবার অন্তরের কথা অন্তর্যামী শুনিলেন; চোখ মুছিয়া প্রকাশে কহিল, “না বাবা, অত টাকায় আমার কাজ নেই; আমাকে পঞ্চাশটি টাকা এখন শুধু দাও।”

“তাই নিয়ে যাও মা। ঘোষাল মশাই, খাতাটা একবার দাও, সেই কোরে নিই; আর বাকি টাকার তুমি একটা চিঠি ক'রে দাও।”

ঘোষাল কহিল, “আমিই সই কোরে নিচ্ছি। তুমি আবার—”

একাদশী কহিল, “না—না, আমাকেই দাও না ঠাকুর,—নিজের চোখে দেখে দিই।” বলিয়া খাতা লইয়া অর্ধ-মিনিট চোখ বুলাইয়া হাসিয়া কহিল, “ঘোষাল মশাই, এই যে একজোড়া আসল মুক্কা ব্রাহ্মণের নামে জমা রয়েছে। আমি জানি কি না—ঠাকুর মশাই আমাদের সব সময়ে চোখে দেখতে পায় না,” বলিয়া একাদশী দরজার দিকে চাহিয়া একটু হাসিল। এতগুলি লোকের সম্মুখে মনিবের মুখের এই ব্যঙ্গোক্তি ঘোষালের মুখ কালি হইয়া গেল।

সে দিনের সমস্ত কর্ম নির্বাহ হইলে, অপূর্ব সঙ্গীদের লইয়া যখন উত্তপ্ত পথের মধ্যে বাহির হইয়া পড়িল, তখন তাহার মনের মধ্যে একটা বিপ্লব চলিতেছিল। ঘোষাল সঙ্গে ছিল; সে সবিনয় আহ্বান করিয়া কহিল, “আস্থন, গরীবের ঘরে অন্ততঃ একটু গুড় দিয়েও জল খেয়ে যেতে হবে।”

অপূর্ব কোন কথা না কহিয়া নীরবে অহুসরণ করিল। ঘোষালের

একাদশী বৈরাগী

গা জলিয়া যাইতেছিল ; সে একাদশীকে উদ্দেশ্য করিয়া কহিল, “দেখলেন, ছোটলোক ব্যাটার আত্মপক্ষ ! আপনাদের মত ব্রাহ্মণ-সন্তানদের পায়ের ধূলো পড়েচে, হারামজাদার বোল-পুরুষের ভাগ্যি ; ব্যাটা পিশেচ কি না, পাঁচগুণ পয়সা দিয়ে ভিথিরী বিদেয় করতে চায় !”

বিপিন কহিল, “ছ’দিন সবুর করুন না ; হারামজাদা মহাপাপীর ধোপা-নাপ্তে বন্ধ ক’রে পাঁচগুণ পয়সা দেওয়া বা’র ক’রে দিচ্ছি । রাখালবাবু আমাদের কুটুম, সে মনে রাখবেন ঘোষাল মশাই ।”

ঘোষাল কহিল, “আমি ব্রাহ্মণ । ছ’বেলা সন্ধ্যা-আহ্নিক না কোরে জল-গ্রহণ করি নে, দুটো মুক্তোর জন্তে কি রকম অপমানটা ছপুর্ বেলায় আমাকে করলে, চোখে দেখলেন ত । ব্যাটার ভাল হবে ? মনেও কোরবেন না । সে বেটী—যারে ছুলে নাইতে হয়,—কি না বামুনের ছেলের তেষ্ঠার জল নিয়ে আসে ! টাকার গুমরটা কি রকম হয়েছে, একবার ভেবে দেখুন দেখি !”

অপূর্ব এতক্ষণ একটা কথাতেও কথা যোগ করে নাই ; সে হঠাৎ পথের মাঝখানে দাঁড়াইয়া পড়িয়া কহিল, “অনাথ, আমি ফিরে চল্লুম ভাই—আমার ভারি তেষ্ঠা পেয়েচে !”

ঘোষাল আশ্চর্য হইয়া কহিল, “ফিরে কোথায় যাবেন ? ঐ ত আমার বাড়ী দেখা যাচ্ছে ।”

অপূর্ব মাথা নাড়িয়া বলিল, “আপনি এদের নিয়ে যান,—আমি যাচ্ছি ঐ একাদশীর বাড়ীতেই জল খেতে !”

একাদশীর বাড়ীতে জল খেতে ! সকলেই চোখ কপালে তুলিয়া দাঁড়াইয়া পড়িল । বিপিন তাহার হাত ধরিয়া একটা টান দিয়া বলিল,

“চল, চল,—ছুপুর রোদ্দুরে রাস্তার মাঝখানে আর ঢঙ্ করতে হবে না
তুনি সেই পাত্রই বটে ! তুমি থাকে একাদশীর বোনের ছোঁয়া জল !”

অপূর্ব হাত টানিয়া লইয়া দৃঢ়-স্বরে কহিল, “সত্যিই আমি তার
দেওয়া সেই জলটুকু খাবার জন্তে ফিরে যাচ্ছি। তোমরা ঘোষাল
মশায়ের ওখান থেকে খেয়ে এসো,—ঐ গাছতলায় আমি অপেক্ষা
কোরে থাকুব।”

তাহার শাস্ত স্থির কণ্ঠস্বরে হতবুদ্ধি হইয়া ঘোষাল কহিল, “এর
প্রায়শ্চিত্ত করতে হয়, তা জানেন ?”

অনাথ কহিল, “ক্ষেপে গেলে না কি ?”

অপূর্ব কহিল, “তা জানি নে। কিন্তু প্রায়শ্চিত্ত করতে হয় ত সে
তখন ধীরে স্বস্তে ভাবা যাবে। কিন্তু এখন ত পারলাম না”—বলিয়া সে
এই খর রৌদ্রের মধ্যে ক্ষতপদে একাদশীর বাড়ীর উদ্দেশে প্রস্থান করিল।

প্রতিভাশালী লেখক
 শ্রীশরৎচন্দ্র চট্টোপাধ্যায় প্রণীত গ্রন্থাবলী
 শরৎবাবুর প্রত্যেক বহিখানিই মনোমুগ্ধকর।
 ছাপা, কাগজ ও বাঁধাই
 অতি সুন্দর

১।	বিন্দুর ছেলে	১৫০
২।	বড়দিদি	৫০
৩।	মেজদিদি	১০
৪।	বিরাজ বো	১০
৫।	পল্লী-সমাজ [আট আনা সংস্করণ]	১০
৬।	বৈকুণ্ঠের উইল	১০
৭।	পণ্ডিত মশাই	১০
৮।	অরক্ষণীয় [আট আনা সংস্করণ]	১০
৯।	চন্দ্রনাথ	১০
১০।	পরিণীতা	১০
১১।	শ্রীকান্ত	১৫০
১২।	নিকৃতি	১০
১৩।	দেবদাস	১০
১৪।	কাশীনাথ	১৫০
১৫।	চরিত্রহীন	৩৫০
১৬।	স্বামী	৫০

গুরুদাস চট্টোপাধ্যায় এণ্ড সন্স
 ২০১, কর্ণওয়ালিস্ স্ট্রীট, কলিকাতা